



Theodore
Besterman

6

P.

S.





DE PICTVRA PRAE


STANTISSIMA, ET NVNQVAM
satis laudata arte libri tres absolutissi-
mi, Leonis Baptistæ de Albertis
uiri in omni scientiarum ge-
nere, & præcipue ma-
thematicarum di-
sciplinarum do-
ctissimi.



Iam primum in lucem editi.

BASILEAE

ANNO M. D. XL. MENSE
AVGVSTO.



LEONIS BAPTISTAE

DE ALBERTIS, LIB. PRIMVS,
RVDIMENTA.



E PICTURA his breuissimis commentarijs conscripturi, quò clarior nostra sit oratio, à Mathematicis ea primum, quæ

ad rem pertinere uidebuntur accipiemus. Quibus quidē cognitis, quoad ingenium suppeditabit, picturam ab ipsis naturæ principijs exponemus. Sed in omni nostra oratione spectari illud uehementer peto, nō me ut Mathematicum, sed uelut pictorē hisce de rebus loqui. Illi enim solo ingenio omni seiuncta materia, species & formas rerū metiuntur. Nos uerò, quod sub aspectu rem esse positā uolumus, pinguiore idcirco, ut aiunt, Minerva scribendo utemur. Ac recte quidem esse nobiscum actum arbitramur, si quoquo pacto in hac planè difficili et à nemine, quod uiderim, alio tradita

literis materia, nos legentes pictores intellexerint. Peto igitur nostra non ut puro à Mathematico, sed ueluti à pictore tantū scripta interpretentur.

Punctum. Itaq; principio nouisse oportet, Punctum esse signum, ut ita loquar, quod

Signum. minimè in partes queat diuidi. Signū hoc loco appello, quicquid in superficie ita insit, ut possit oculo conspici: quæ uerò intuitum non recipiunt, ea nemo ad pictorē nihil pertinere negat. Namea solum imitari studet pictor, quæ sub luce uideantur. Puncta quidem, si continenter in ordine iungantur, lineā extendent. Eritq; apud nos lineā signum, cuius longitudo sanè in partes diuidi possit: Sed erit usq; adeo latitudine tenuissima, ut nus-

Linea. quàm findi quæat. Linearum alia recta, alia flexa. Recta lineā est signum à puncto ad punctum directe in longum protensum. Flexa est quæ à puncto ad punctum non recto gressu, sed facto sinu fluxerit. Lineæ plures quasi fila in tela, si adacta cohæreant, superficiem

ficiem ducēt. Est namq; superficies extrema corporis pars, quæ non profunditate aliqua, sed latitudine tantum longitudineq; , atq; perinde suis qualitatibus cognoscatur. *Superficies* Qualitas. Qualitatum aliæ ita superficiei inhærent, ut nisi prorsus alterata superficie minime semoueri, aut seiungi queant.

Alias uerò qualitates huiusmodi sunt, ut eadē facie superficiei manente, ita sub aspectu tamen iaceant, ut superficies uisentibus alterata esse uideatur. Perpetuæ autem superficierum qualitates geminæ sunt. Vna quidem quæ per extremum illum ambitum, quo superficies clauditur, notescat, quem quidem ambitum nonnulli orizontem nuncupant. Nos si liceat, latino uocabulo similitudine quadam *Orizon.* appellemus oram: aut, dum ita li- *Ora.* beat, fimbriam. Eritq; & ipsa fimbria *Fimbria.* aut unica linea, aut pluribus lineis per finita. Vnica, ut circulari, pluribus aut altera flexa, altera recta, aut etiam quæ pluribus rectis flexisue
 2 3 lineis

Circulus. lineis ambiatur. Circularis quidem
 linea est, Ipsa ora quæ totam circuli
 aream complectitur & continet. Cír-
 culus uerò est forma superficiiei, quã
 linea, ueluti corona, obambit. Quod
 si in medio aderit punctum, omnes ra-
 dij ab hoc ipso puncto directè ad co-
 ronam ducti, longitudine inter se æ-
 quales sunt. Idem uerò punctum, cen-
 trum circuli dicitur. *Linea* recta, quæ
 bis coronã circuli secuerit, perq; cen-
 trum rectabit, diameter circuli, apud
 Mathematicos uocatur. Nos hanc ip-
 sam nominemus centricam, sitq; hoc,
 apud nos, loco ab ipsis Mathematicis
 persuasum, quod aiunt, Limbum se-
 cantem lineam nullam æquos angu-
 los à corona circuli signare, nisi quæ
 recta ipsum centrum attingat. Sed ad
 superficies redeamus. Ex his enim quæ
 recensui facile intelligi potest, ut tra-
 ctu fimbriæ immutato, ipsa superfi-
 cies & faciem & nomen quoq; pri-
 stinum perdat, atq; quæ triangulus
 fortasse dicebatur, nunc tetragulus,
 aut

aut plurium deinceps angulorū nuncupabitur. Dicitur quidem fimbria mutata, si linea aut anguli non modo plures, sed obtusiores, longioresue, uel acutiores, breuiioresue, quoquo pacto fiant. Is locus admonet, ut de angulis non nihil recenseamus. Est enim

angulus extremitas superficiei *Angulus.*

à duabus lineis se inuicem secantibus confectus. Angulorum tria sunt genera: rectum, obtusum atq; acutum.

*Angulorū
tria genera*

Angulus rectus unus est ex quatuor angulis, qui à duabus rectis lineis se se mutuo secantibus, ita conscribitur, ut cuius reliquorum trium sit æqualis, hinc est, quod aiunt omnes recti anguli inter se sunt æquales. Obtusus angulus est, qui recto maior est. Acutus is est, qui recto minor est. Iterum ad superficiem redeamus. Docuimus quo pacto una per fimbriam qualitas superficiei inhæreat. Sequitur, ut altera superficierum qualitas referatur, quæ est, ut ita loquar, tanquam cutis per totum superficiei dorsum,

distenta. Ea in tres diuisa est. Nam alia uniformis & plana; alia tuberosa, & sphaerica; alia incurua, & concaua dicitur. Quarto loco his addendae sunt superficies, quae ex praedictis compositae sunt. De his postea, nunc de primis. Plana superficies ea est, quam in quauis parte sui recta superducta regula aequè cōtingat, huic per similis erit superficies purissime et quiescentis aquae. Sphaerica superficies dorsum sphaerae imitatur. Sphaerā diffiniunt corpus rotundū, in omnes partes uolubile, cuius in medio punctum inest, a quo extremae omnes illius corporis partes, aequè distant. Concaua superficies ea est, quae interitus extremū sub ultima, ut sic dixerim, cute sphaerae subiacet, uti sunt in testis ouorum intima superficies. Cōposita uerò superficies ea est, quae una dimensione planitiē, altera aut concauā, aut sphaericā superficiem imitetur, quales sunt interiores fistularū, & exteriores columnarū pyramidumue superficies. Itaq;

& am

Sphæra.

Concaua.

Composita

& ambitu & dorso inherētes qualitates, cognomēta superficiebus, ut diximus, imposuerūt. At uerò qualitates quæ non alterata superficie, nō tamen semper eundē aspectū de se exhibent, duæ item sunt. Nam aut loco aut luminibus mutatis, uariatæ, intuētibus uidentur. De loco prius dicendū, postea de luminibus. Ac perscrutandū quidem est, quonam pacto mutato loco, ipsæ superficiei inherentes qualitates, immutatę esse uideantur. Equidē hæc ad uim oculorum spectant. Nam interuallo sitū ue mutato aut minores aut maiores, aut omnino nō eiūsdem, quàm hætenus fuerant, simbriæ, aut item colore auctæ uel fraudatæ superficies appareant necesse est. Quas res omnes intuitu metimur. Id quidem, qua ratione fiat, perscrutemur. Exordiamurq; à Philosophorum sentētia, qui metiri superficies affirmant radijs quibusdam quasi uisendi ministris, q̄s idcirco uisiuos nuncupant, quod per eos rerū simulachra sensui impriman-

a s tur,

DE PICTURA

tur. Nam ipsi iidem radij inter oculū
atq; uisam superficiem, intenti suapte
ui, ac mira quadam subtilitate pernī-
tissimè congruūt. Aëra, corpora q; hu-
iusmodi rara & luce peruiā penetran-
tes, quoad aliquod densum & non pe-
nitus opacum offendant, quo in loco
cuspidē ferientes, euestigio hæreant.
Verū non minima fuit, apud priscos
disceptatio, à superficie, an ab oculo
ipsi radij erumpant. Quæ disceptatio
sanè difficilis, atq; apud nos ad modū
inutilis prætereatur. Ac imaginari
quidem deceat radios quasi fila quæ-
dam prorsus tenuissima, uno capite
quasi in manipulum rectissimè colli-
gata. Vna simul per oculum interius
ubi sensus uisus confideat, recipi: quo
in loco non secus atq; truncus radio-
rum adstent, à quo quidem exeuntes
in longum lassati radij, ueluti rectissi-
ma uirgulata, ad oppositam superfi-
ciem effluant. Sed hos inter radios
nonnulla differentia est, quam tenuis-
se per necessariū arbitror. Differunt
quidē

*Radiorum
differentia.*

quidē uiribus & officio. Nam alij sim-
 brias superficierū contingentes, totas
 quantitates superficieī metiūtur. Hos
 autē quòd quidem ultimas partes li-
 brando uolitent, extremos radios ap-
 pellemus. Alij quidem radij ab omni *Radij ex-*
 dorso superficieī, seu recepti, seu fluen- *tremi.*
 tes intra eam pyramidē, de qua paulò
 post, suo loco dicemus, suū quoq; of-
 ficiū peragunt. Nam coloribus &
 luminibus imbuuntur iisdem, quibus
 ipsa superficies refulgeat. Hos ergo me- *Radij me-*
 dios radios nuncupemus. Est quoq; *dij.*
 ex radijs quidā, qui similitudine qua-
 dam centricā, de qua diximus, lineā,
 dicatur centricus, quòd in superficie ita
 persistet, ut circā se æquales utrinq; an-
 gulo reddat. Itaq; tres radiorū species *Species tres*
 repte sunt extremorū, mediorū et cen- *radiorum.*
 trici. Perscrutemur igit̃ quid quicq; ra-
 dij ad uisendū conferant: ac primo de
 extremis, post ea de medijs, tū de cen-
 trico dicendū erit. Radijs quidem ex-
 tremis, quātitates metiūtur. Est enim *Quantitas*
 quātitas spaciū inter duo disiuncta *quid.*
 pun-

puncta fimbriæ, transiens per superficiem, quod oculus, quasi circino, quodam instrumento, his extremis radijs metitur. Suntq; tot in superficie quantitates, quot sunt disiuncta in fimbria sese cōrespicientia puncta. Nam proceritatem quæ inter supremū & infimum, seu latitudinē quæ inter dextrū & sinistrū, seu crassitudinē quæ inter propinquius & remotius, seu cæteras quasuis dimēsiones aspectu recognoscimus, his tantū radijs extremis utimur. Ex quo illud dici solitum est: visum per triangulū fieri, cuius basis, uisa quantitas, cuiusue latera sunt iidem ipsi radij, qui à punctis quantitatis ad oculum protenduntur. At illud quidem certissimū est, nisi per hūc ipsum triangulū, quantitātē nullam uideri. Latera ergo trianguli uisui, patent. Anguli quidem in hoc ipso triangulo duo sunt, alterutra illa quantitatis capita. Tertius uerò atq; primarius angulus est, is qui basi oppositus, intra oculū consistit. Neq; hoc loco disputandū

sputandū est, utrum in ipsa iunctura
interioris nervi uisus, ut aiunt, quie-
scat, an in ea superficie oculi, quasi in
speculo animato imagines figurētur
Sed ne omnia quidem oculorū ad uis-
sendum, hoc loco, munera referenda
sunt: satis enim erit his commentarijs
succincte, quæ ad rem pernecessaria
sint demonstrasse. Cum igitur in oculo
primarius consistat angulus uisuius,
regula deducta est hæc: quò uidelicet
acutior sit in oculo angulus, eò quan-
titem breviorē apparere, ex quo
planè discitur cur sit quod multo in
teruallo, quantitas ad punctum usq;
extenuata esse uideatur. Verum hæc
cum ita sint, sit tamen nonnullis in su-
perficiebus, ut quò illi propinquior
sit uisantis oculus, eò minorem, quò
remotior, eò longè plurimam illius su-
perficiei partem uideat, quod ipsum
in sphaerica superficie ita esse discitur.
Quantitates ergo pro interuallo ma-
iores, ac minores intuentibus nōnun-
quàm uidentur, Cuius rei quī probè
ratio=

rationem tenuerit, minime dubitabit
 medios radios aliquando fieri extre-
 mos, extremosq; interuallo mutato
 item fieri medios. Atq; idcirco intelli-
 get ubi medij radij sint facti extremi,
 ilico quantitatem breuiorem appare-
 re. Contraq; cum extremi radij intra
 fimbriam recipiantur, quò magis illi
 quidem à fimbria distent, eò maiorem
 quantitatem uideri. Hic igitur solitus
 sum apud familiares regulam expo-
 nere, quò plures radiorum uidendo oc-
 cupentur, eò quantitatem prospectam
 grandiorẽ existimari: quò autem pau-
 ciores, eò minorem. Cæterum hi radij
 extremi dentatim uniuersam fimbriam
 superficiem comprehendentes, ipsam
 totam superficiem, quasi cauea, circũ-
 ducunt. Vnde illud, aiunt, uisum, per
 pyramidem radiosam fieri. Dicendũ
Pyramis. est idcirco pyramis quid sit. Pyramis
 est figura corporis oblongi, ab cuius
 basi omnes lineæ rectæ sursum pro-
 tractæ, ad unicam cuspidem conter-
Basis. minent. Basis, pyramidis uisa super-
 ficies

facies est. Latera pyramidis, radij ipsi
uisiui, quos extremos nuncupari di-
ximus. Cuspis pyramidis illic intra
oculum confidet, ubi in unum anguli
quantitatū conueniunt. Hactenus de
extrinsecis radijs, ex quibus pyramis
cōcipitur, qua omni ratione constat,
multū interesse quæ interualla, inter
superficiē, atq; oculum interiaceant.

Sequitur ut de medijs radijs dicen- *Radij me-
dij.*
dum sit. Radij medijs sunt ea multitu-
do radiorum, quæ ab radijs extremis,
septa intra pyramidem continetur.

Atq; ij quidem radij id agunt, quod
aiunt, Cameleonta animal, & huius-
modi feras metu cōterritas, solere pro
pinquarum rerū colores suscipere, ne
a uenatoribus facile reperiantur. Hoc
ipsum medijs radijs exequūtur. Nam a
cōtactu superficiēi, usq; ad cuspidem
pyramidis, toto tractu ita colorū & lu-
minū, reperta uarietate inficiūtur, ut
quouis loco rumperētur, eodem loco
ipsum inhaustū lumen, atq; eundem
colorem expromerent. Ac de his me-
dijs

dñs radñs re primū ipsa cognitum est, eos multo interuallo deficere, aciemq̃ hebetiorem agere; demū id cur ita sit, ratio reperta est. Nam cum ijdem cæteriꝫ omnes radñ uisui luminibus et coloribus imbuti, atq̃ graues aërem peruadant, sitq̃ aër ipse nōnulla crassitudine suffusus, fit ut multa pars oneris, dum aërem percurrunt, fessos radios deñciat. Idcirco rectē aiunt, quō maior distantia sit, eò superficiē subobscuriorem & magis fuscā uideri. Restat ut de centrico radio dicamus.

*Centricus
radius.*

Centricum radium dicimus, eum qui solus ita quantitatem feriat, ut pares utrinq̃ anguli, angulis sibi cohærentibus respondeant. Equidem & quod ad hunc centricum radium attinet, uerissimū est hunc esse omniū radiorum acerrimū & uiuacissimū. Neq̃ negandum est, quantitātē nunquā uideri maiorem, quā cum centricus in eam radius institerit. Possent plura de centrici radñ ui & officio referri. Tantū hoc non prætermittatur, hunc unicū radium,

radium, quasi unita quadam congres-
sione, à cæteris radijs constipatū foue-
ri, ut merito dux radiorum planè ac
princeps dici debeat. Reliqua uerò
quæ ad ostentandū ingenium perti-
nuissent magis quàm ad ea, de quibus
dicere instituimus prætereant. Multa
etiā de radijs suis locis accōmodatius
dicentur. Hoc autem loco sit, quantū
cōmentariorū breuitas postulat, satis
ea retulisse, ex quibus dubitet nemo
hoc ita esse, quod quidem satis demon-
stratum puto, intervallo scilicet cen-
triciq; radij positione mutatis, ilico su-
perficiem alteratā uideri. Nam ea qui-
dem ut minor, aut maior, aut deniq;
pro linearū & angulorū inter se con-
cinnitate immutata apparebit. Cen-
trici ergo positio, distantiaq; ad certi-
tudinem uisus plurimū conferūt. Est
quoq; tertium aliquid, ex quo super-
ficies diffformes & uariæ inuentibus
exhibeantur. Id quidem est luminum
receptio. Nam uidere licet in sphæri-
ca atq; concaua superficie, si unicum
b tantum

Centrici
positio.

tantum assit lumen, una parte subobscuram, alia clariorem esse superficiē, ac eodem intervallo, centricāq; positione pristina manente, modo ea ipsa superficies diuerso quā prius lumine subiaceat, uidebis fuscas illic esse partes, eas quæ sub diuerso antea lumine sitæ clarebāt, atq; esse easdē claras, quæ prius obumbratæ erant, tum etiam si plura circūstent lumina, pro luminū numero & uiribus variē suis locis maculæ, candoris & obscuritatis micabunt. Hæc res experimento ipso comprobatur. Sed hic locus admonet, ut de luminibus & coloribus aliqua referamus. Colores à luminibus uariari palàm est, siquidem omnis color non idem conspectu est in umbra, ac sub radijs luminū positus. Nam umbra fuscum colorem, lumen uerò clarum & apertum exhibet. Dicunt philosophi: posse uideri nil quod ipsum non sit lumine coloreq; uestitum, maxima idcirco inter colores & lumina cognatio est ad uisum agendum,

Colores à
luminibus
uariari.

dum, quæ quanta sit hinc intelligitur, quod lumine pereunte, colores ipsi quoque obscurefciendo sensim pereunt. Redeunteque luce unâ & ipsi cum viribus luminû colores conspectui restaurantur. Quæ res cum ita sit, uidentum est ergo de coloribus primo: de hinc inuestigabimus colores, quemadmodum sub luminibus uariantur. Missam faciamus illam philosophorum disceptationem, qua primi ortus colorum inuestigantur. Nam quid iuuat pictorem nouisse quonam pacto ex rari & densi, aut ex calidi, & succi frigidi, humidique permistionibus color extet? Neque tamen eos philosophantes aspernor, qui de coloribus ita disputant, ut species colorum esse numero septem statuunt, album atque nigrum, duo colorum extrema. Vnum quidem inter medium, Tum inter quodque extremum, atque ipsum medium binos, quod alter plus altero de extremo sapiat, quasi de

b. a limite

limite ambigentes collocant. Pictorē sanè nouisse sat est, qui sint colores, & quibus in pictura modis iisdem utendū sit. Nolim à peritioribus redargui, qui dum philosophos sectantur, duos tantū esse in rerū natura integros colores asserunt, album & nigrum, ceteros autē omnes ex duorū permistione istorū oriri. Ego quidem, ut pictor, de coloribus ita sentio, permistionibus colorū alios oriri colores penè infinitos. Sed esse apud pictores colorū uera genera, pro numero elementorū, quatuor, ex quibus plurimæ species educantur. Namq; est igneus, ut ita loquar, color, quem rubeum uocant. Tū & aëris qui cœlestis, seu cæsius dicitur, aquæ color uiridis. Terra uerò cinereū colorem habet. Ceteros omnes colores ueluti diasprī & porphiriī lapidis ex p̄mixtione factos uidemus.

Colorum genera. Genera ergo colorū quatuor, quorū sunt pro albi & nigri admixtione species admodū innumerabiles. Nam uidemus frondes uirētes gradibus deserre

rere uiriditatē, quoad albescat. Id ipsum uidemus in ipso aëre, ut circa orientem plerunq; albente uapore suffusus, sensim ad propriū colorem redeat. Tum & in rosis hoc uidemus, ut aliæ plenā & incensam purpurā, aliæ genas uirgineas, aliæ candidum ebur imitentur. Terræ quoq; color, albi & nigri admixtione, suas species habet. Non igitur albi permixtio genus colorū immutat, sed species ipsas creat, cui quidem persimilem uim niger color habet. Nam nigri admixtiōe multæ colorū species oriuntur, quod quidem pulchrè ex umbra qua ipse color patebat, alteratur. Siquidem crescēte umbra coloris, claritas & albedo deficit. Lumine uerò insurgente, clarescit et fit candidior. Ergo pictori satis persuaderi potest album & nigrum minime esse ueros, sed colorū, ut ita dixerim, alteratores. Siquidē nihil inuenit pictor quo ultimū luminis candorem referat, præter album, solumq; nigrū, quo ultimas tenebras demonstrent.

Adde his, quod album aut nigrum nusquam inuenies, quod ipsum non sub aliquo genere colorum sit.

*Luminū
uis.*

Sequitur de ui luminum. Lumina alia siderum, ut solis & lunæ, & luciferæ stellæ, alia lampadū & ignis. At inter hæc magna differētia est. Nam lumina siderum admodum pares corporibus umbras referunt. Ignis uerò maiores quàm ipsa corpora sunt. At-

*Radij in-
tercepti.*

qui sit umbra, cum radij luminū intercipiuntur. Radij intercepti, aut aliò flectuntur, aut in seipsos reciprocantur. Flectuntur ueluti cum à superficie aquæ radij solis in lacunaria exiliunt, sitq; omnis radiorū flexio angulis inter se, ut probant Mathematici, æqualibus. Sed hæc ad aliam partem

*Radij
flexi.*

picturæ attinēt. Radij flexi eo colore nonnulla ex parte imbuuntur, quem in ea à qua flectuntur superficie inuenerint. Hoc ita uidemus fieri, cum facies perambulantium in pratis, subuidentes apparent. Dixi ergo de superficiebus: dixi de radijs: dixi quo pacto uiuendo

uifendo ex triangulis coëdificetur pyramis. Probauim is quàm maximè interfit interuallum centriciq; radij positionem ac luminū receptionem certam esse. Verū cum uno aspectu, non unam modo, sed plurimas quoq; superficies intueamur. Postea quàm de singulis superficiebus, non omnino ieiuñe conscripsimus. Nunc inuestigandū est, quemadmodū coniunctæ sese superficies efferant. Singulæ quidem superficies, ut docuimus, propria pyramide suis coloribus et luminibus refertæ gaudent; quod cum ex superficiebus, corpora integantur, totæ corporum prospectæ quantitates, superficiesue unicam pyramidem referūt: tot minutis pyramidibus grauidam, quot eò prospectu superficies radijs comprehendantur. Hæc cum ita sint, dicet tamen quispiam quid tanta indagatio pictori ad pigendum afferret emolumentī? Nempe ut intelligat se futurum artificem planè optimum, ubi optimè superficieŕū discrimina & propor-

proportiones notârit, quod paucissimè admodum nouerūt. Nam si rogentur quid in ea, quam tingunt, superficie conenter assequi, omnia rectius possunt quàm quid ita studeât respondere. Quare obsecro nos audeant studiosi pictores, Quæ enim didicisse iuuabit, ea à quouis præceptore discere nuncq̃ fuit turpe. Ac discant quidem dum lineis circumeunt superficiem, dumq̃ descriptos locos implent coloribus, nihil magis quæri, quàm ut in hac una superficie plures superficiearum formæ represententur. Non secus ac si superficies hæc, quam coloribus operiunt, esset admodum uítrea & perlucida huiusmodi, ut per eam tota pyramis uisua ueris uisendis corporibus pmearet, certo interuallo, certaq̃ centrî radij & luminis positione, eminus in aëre suis locis constitutis, quod ipsum ita esse demonstrant pictores, dum sese ab eo quod pingunt amouēt longiusq̃ consistunt, natura duce huius ipsius cuspidem pyramidis quæritantes.

tantes. Vnde omnia rectius concerni
commetiriq; intelligunt. Sed cū hæc
sit unica seu tabule, seu parietis super-
ficies, in quam pictor plures & uarias
una pyramide, comprehensas super-
ficies pyramidesq; studet effingere,
necesse erit aliquo loco sui pyramidē
hanc uisuiam, perscindi, ut istic quales
fimbrias & colores intercisio dederit,
tales pictor lineis & pingendo expri-
mat. Quæ res cum ita sit, pictam su-
perficiē intuentes intercisionē quan-
dam pyramidis uident. Erit ergo pi-
ctura intersecctio pyramidis uisui se-
cundum datum interuallum, posito
centro, statutisq; luminibus, in da-
tam superficiē, lineis & coloribus ar-
te, representata. Iam uerò quoniam
picturā diximus esse intersecctionem
pyramidis, omnia idcirco perscrutan-
da sunt, ex quibus nobis intercisionis
partes omnes sint notissimæ. Nobis
ergo nouissimus sermo habendus est
de superficiebus, à quibus pyramides
pictura intercidendas manare demō-

stratum est. Superficierum aliæ prostratæ iacent, ut pavimenta ædificiorum, & certæ superficies æquè à pavimento distantes. Aliæ in latus incumbunt, uti sunt parietes & ceteræ superficies parietibus collineares. Inter se autem æquè distare superficies dicuntur, cum inter media inter eas distantia, omni loco sui eadē est. Collineares superficies illæ sunt, quas eadē continuata recta linea omni parte sui, æque contingit, uti sunt superficies quadratarum columnarum, quæ rectum in ordinem ad porticū adstant. Hæc illis quæ supra de superficiebus diximus addenda sunt. His uerò quæ de radijs cū extrinsecis tum intrinsecis & centrico, atq; his quæ supra de pyramide uisiva recensuimus, addenda est illa Mathematicorū sententia, ex qua illud probatur: quod si linea recta duo alicuius trianguli latera intersectet, sitq; hæc ipsa secans & nouissimè triangulū condēs, linea alteræ lineæ prioris trianguli, æque distās, erit
tunc

tunc quidē is maior triangulus huic
 minori lateribus pportionalis. Hæc
 Mathematici. At nos quò clarior pi-
 ctoribus sit nostra oratio latius paulò
 rem explicabimus. Intelligendum est
 quid apud nos sit hoc loco, pportiona-
 le. Dicimus proportionales esse trian- *Trianguli*
 gulos, quorū latera & anguli inter se *proportio-*
 eandē admodū rationē seruant: quod *nales.*
 si alterum trianguli latus sit in longi-
 tudine bis q̃ basis atq; semis & alterū
 ter, omnes huiusmodi trianguli, seu
 sint illi quidē maiores hoc seu mino-
 res, modo eandē laterum ad basim, ut
 ita loquar, cōuenientiā habeant, erūt
 inter se, pportionales. Nam quæ ratio
 partis ad partē suā extat in maiori tri-
 angulo, eadē in minori extabit ergo
 trianguli, q̃ ita se habeāt omnis apud
 nos, inter se, pportionales dicent, hoc
 quoq; ut ap̃ius intelligat, similitudi-
 ne quadā utemur. Est quidē homo pu-
 sillus, hominī maximo proportiona-
 lis ad cubitū, ubi eadē fuerit, pportio
 palmi, & pedis ad reliqua corporis
 sui partes, in hoc, puta Euādri, q̃ fuit

in illo, puta Hercule, quem Gellius supra alios homines procerum & magnum fuisse coniectatur. Neq; eum etiam fuit alia in membris Herculis proportio, quàm fuerit in Anthei gigantis corpore. Vt enim utrisq; manus ad cubitū, & cubiti ad proprium caput, & cæterorum membrorum symmetria pari inter se dimensione congruebant, ita hoc ipsum in nostris triangulis eueniet, ut sit aliqua inter triangulos commensuratio, per quam minor, cum maiori, cæteris in rebus, præterquàm in magnitudine, conueniat. Hęc autem si satis intelliguntur statuamus Mathematicorum sententia, quantum ad rem nostram conducit: Omnem intercisionem alicuius trianguli, æque distantem à basi, triangulum constituere. Illi suo maiori triangulo, ut illi loquuntur, similem, uti uerò nos proportionalē. Et enim quæ inter se proportionalia sunt, in his omnes partes respondent. In quibus uerò diuersę & non congruentes partes.

partes ad sunt, hæ minimè proportionales sunt. Partes trianguli uisui sunt *Trianguli*
præter lineas, etiam ipsi radij, qui qui *partes.*
dem erunt in proportionalibus pictu
re quantitatibus spectandis numero:
ueris, pares: in nō proportionalibus
uerò illis, erunt non pares. Nam alte
ra istarum non proportionaliū quan
titas, aut plures occupabit radios, aut
pauciores. Nosti ergo quemadmodū
minor triangulus aliquis, maiori pro
portionalis dicatur. Et meministi ex
triangulis pyramidem uisuiam con
stitui. Ergo omnis noster sermo de
triangulis habitus, ad pyramidē, tra
ducatur. Ac persuasum quidem apud
nos sit, nullas quantitates uisæ super
ficiæ, quæ æque ab intercissione di
stent, in pictura alterationē aliquam
facere. Nam sunt illæ quidem æquē
distantes quantitates, in omni æque
distanti intercissione suis correspon
dentibus proportionales, quæ res cū
ita sit, sequitur illud, quod non altera
tis quantitatibus, ex quibus area com
pletur

pletur, quibúsue fimbria cōmetitur, nulla fimbriæ alteratio in pictura succedit, atq; illud manifestū est omnem pyramidis uisūq; intercisionem, à uisa superficie æque distantem, illi perspectæ superficiē esse cōproportionalē. Diximus de superficiebus intercisioni proportionalibus, hoc est, superficiē pictę q̃que distantibus. Verū cum plurimæ pingendæ superficies non æque distantes assint, de his nobis inuestigatio diligens habenda est, quo omnis ratio intercisionis explicetur. Et enim longum esset, per difficileq; atq; obscurissimū, in his triangulorū, pyramidisq; intercisionibus omnia ex Mathematicorū regula prosequi. Idcirco nostro more, ut pictores, dicendo, pcedamus. Referamus breuissimē aliqua de quātitatibus nō q̃que distantibus, q̃bus pceptis facilis erit, omnis nō æque distantis superficie, cognitio. Quantitatū ergo nō æque distantium aliæ radijs uisui collineares, aliæ radijs aliquibus uisui æque distantes

stantes sunt. Quantitates radijs collineares, quoniā triangulū nō efficiant radiorūq; numerū nō occupent, locū idcirco nullū intercisione adipiscunt.

At in quātitatibus radijs uisuiis æque distantibus, quanto, q; maior est angulus ad basim trianguli, erit obtusior, tanto ea quantitas minus radiorū excipiet, atq; idcirco intercisione minus obtinebit spacij. Superficiem quātitatibus cōtegi diximus, at cum in superficiebus non raro eueniat, ut in ea sit quantitas aliqua æque ab intercisione distans; cæteræ uerò eiusdē superficiē quantitates, nō æque distent, eam ob rem fit, ut quæ in superficie adsunt æque distantes quantitates, hæ solæ, in pīctura, nullā alterationē faciant.

Quæ uerò quātitates nō æque distant, hæ quanto angulum, qui in triangulo sit ad basim maior, obtusiores habebunt, tanto plus alterationis accipient. Deniq; his omnibus addenda illa philosophorum opinio est, qua affirmant; si cœlū, sidera, maria, montes, animan

animātiāq; ipsa, atq; deinceps corpora omnia dimidio quā sint minora, superis ita uolentibus, redderētur: fore ut nobis quæq; uideantur nulla ex parte, ac nūc sint diminuta apparent. Nam magnum, paruum, longū, breue, altum, infimum, arctum, latū, obscurum, tenebrosū & huiusmodi omnia, quæ cum possint rebus adesse, & non esse, ea philosophi accidentia nuncuparunt: huiusmodi sunt, ut omnis earum plena cognitio fiat comparatione. Aeneam, inquit, Virgilius, totis humeris supra homines extare. At is, si Polyphemo comparetur Pigmæus uidebitur. Eurialum pulcherrimum fuisse tradunt, qui, si Ganymedi à deo rapto comparetur, fortassis deformis uideatur. Apud Hispanos pleræq; uirgines candidæ putantur, quæ apud Germanos fuscæ & atrii coloris haberentur. Ebur argentumq; colore alba sunt, quæ, si cigno, aut niueis linteis cōpurentur, subpalentia uideantur. Hac ratione in pictura

ctura tersissimè & fulgentissimè quidem superficies apparent, cum illic albi ad nigrum eadem, quæ est in rebus ipsis, luminati ad umbrosum proportio sit. Itaq; comparationibus hæc omnia discuntur. Inest enim in comparandis rebus uis, ut quid plus, quid minus, quid uè æquale adsit, intelligamus. Ex quo magnum esse dicimus, quod sit hoc paruo maius; maximū, quod sit hoc magno maius; lucidum, quod sit obscuro clarius; lucidissimū, quod sit hoc claro lucidius. Fit quidē comparatio ad res in primis notissimas. Sed cum sit homo, rerum omnium, hominī notissimus, fortassis Protagoras hominem, inquiring, modum & mensuram rerum omnium esse: hoc ipsum intelligebat, rerum omnium accidentia, hominis accidentibus rectè comparari, atq; cognosci. Hæc eò spectat ut intelligamus in pictura quantulacumq; pinxeris corpora, ea pro illic picti hominis cōmensuratione grandia, aut pusilla uideri, hanc sanè uim
c compa

comparationis pulcherrimæ, omnium antiquorum prospexisse Thimantes mihi uideri solet, qui pictor, ut aiunt, Ciclopem dormientem, parua in tabella pingens, fecit iuxta satyros pollicem dormientis amplectentes, ut ea satyrorum commensuratione dormiens, multo maximus uideretur. Hactenus à nobis ferme omnia dicta sunt, quæ ad uisendi uim, quæue ad intercisionem cognoscendam spectant. Sed quia non modo quid sit, atq; ex quibus constet intercisio: uerum etiam quemadmodum eadem fiat, ad rem pertinet, dicendum est, de hac intercisione quam arte pingendo ea exprimatur. De hac igitur, cæteris omissis, referam quid ipse dum pingo efficiam. Principio in superficie pingenda, quam amplum libeat quadrangulum rectorum angulorum inscribo, quod quidem mihi pro aperta fenestra est, ex qua historia contueatur, illicq; quam magnos uelim esse in pictura homines, determino: huiusq;

usq; ipsius hominis longitudinem,
 in tres partes diuido: quæ quidē mihi
 partes sunt proportionales, cum ea
 mensura quam uulgus brachiū nun-
 cupat. Nam ea trium brachiorum, ut
 ex symetria membrorum hominis
 patet, admodum communis humani
 corporis longitudo est. Ista ergo men-
 sura iacentem infimam descripti qua-
 dranguli lineam, in quot illa istiusmo-
 di recipiat partes, diuido: ac mihi qui-
 dem hæc ipsa iacens quadranguli li-
 nea, est proximiori transuersa & æ-
 que distantī, in pavimento, uisæ quan-
 titati proportionalis. Post hæc uni-
 cum punctum, quo sit uisum, loco
 intra quadrangulum constituo, qui
 mihi punctus eum locum occupet,
 ipsum ad quem radius centricus ap-
 plicet, idcirco centricus punctus di- *Centricus*
 catur. Condecens huius centrici pun- *punctus.*
 cti positio est, non altius à iacenti li-
 nea, quàm sit illius pingendi hominis
 longitudo. Nam hoc pacto æquali in
 solo, & spectantes, & pictæ res adesse
 c a uidentur

uidentur. Posito puncto centrico, protrahe lineas rectas à puncto ipso centrico ad singulas lineæ iacentis diuisiones, quæ quidem mihi lineæ demonstrant, quemadmodum penè usq; ad infinitam distantiam quantitates transversæ successurus interuallo sub aspectu coarctantur. Hic essent nonnulli, qui unam ab diuisa æque distantem lineam intra quadrangulum ducerent, spaciumq; quod inter utrasq; lineas adsit, in tres partes diuiderent. Tum huic secundæ æque distantis lineæ, aliam item æque distantem, hac lege adderent, ut spacium, quod inter primam diuisam, & secundam æque distantem lineam est, in tres partes diuisum: una parte sui excedat spacium id quod sit inter secundam & tertiam lineam, ac deinceps reliquas lineas adderent, ut semper sequens inter lineas esset spacium id antecedens subsesquialterum, ut uerbo Mathematicorum loquar. Itaque sic illi quidem facerent, quos & si optimam quandam

dam pingendi uiam sequi affirmant, eosdem tamen non parum errare cen-
seo: quòd cum casu primam æque di-
stantem lineam posuerint, tam & si
cæteræ æque distantes lineæ ratione
& modo subsequantur, non tamē ha-
bent quo sit certus cuspidis ad bene
spectandum locus. Ex quo non mo-
dici in pictura errores facile succe-
dunt. Adde his quod istorū ratio ad-
modū uitiosa esset, ubi centricus pun-
ctus aut suprā aut infrā picti hominis
longitudinē adstaret: cum etiam res
pictas nullas ueris rebus conformes,
nisi certa ratione distent, uideri posse,
nemo doctus negabit. Cuius rei ratio-
nem explicabimus, si quando de his
demonstrationibus picturæ conscri-
bemus, quas à nobis factas, amici dū
admirarentur, miracula picturæ nun-
cuparunt. Nam ad eam ipsam partē,
hæc quæ dixi omnia maxime perti-
nent: ergo ad rem redeamus. Hæc cū
ita sint, ipse idcirco optimum hunc
adinueni modum. In cæteris omni-

bus eandem illam & centrici puncti
& lineæ iacentis diuisionem, & à pun-
cto linearum ductiones ad singulas
iacentis lineæ diuisiones prosequor.
Sed in transuersis quãtitatibus, hunc
modum seruo. Habeo areolam, in
qua describo lineam unam rectam,
Hanc diuido per eas partes, in quas
iacens lineæ quadranguli diuisa est.

Deinde pono sursum ab hac lineæ
punctum unicum tam altè, quàm est
in quadrangulo centricus punctus à
iacente diuisa quadranguli lineæ di-
stans, ab hocq; puncto, ad singulas
huius ipsius lineæ diuisiones, singu-
las lineas duco. Tum quantam uelim
distantiam esse inter spectantis ocu-
lum, & picturam statuo, atq; illic sta-
tuto intercisionis loco perpendiculari,
ut aiunt Mathematici, lineæ, inter-
cisionem omnium linearum, quas ea

Linea per- inuenerit, efficio. Perpendicularis qui-
pendicula- dem lineæ ea est, quæ aliam rectam
ris. lineam diuidens, angulos utrinq; cir-
ca se rectos habeat. Igitur hæc mihi
perpen

perpendicularis linea suis percissionibus terminos dabit omnis distantiae, quæ inter transuersas æque distantes pauimenti lineas esse debeant: quò pacto omnes pauimenti parallelos descriptos habeo, qui quidem quàm recte descripti sint inditio erit: si una eademq; recta continuata linea, in picto pauimento coadiunctorum quadrangulorum diameter sit. Est quidem apud Mathematicos diameter *Diameter.* quadranguli recta quædam linea, ab angulo ad sibi oppositum angulum ducta, quæ in duas partes quadrangulum diuidat, ita ut ex quadrangulo, duos triangulos efficiat.

His ergo diligenter absolutis, unam item superduco transuersam, æque à cæteris inferioribus distantem lineam, quæ duo stantia, magni quadrati, latera secet, perq; punctum centricum permeet. Hæc mihi quidem linea est terminus, atque limes, quem nulla non plus alta, quàm sit uisantis oculus, quantitas exce-

dat. Eaꝓ, quod punctum centricum
peruadat, idcirco centrica dicatur.
Ex quo fit, ut qui picti homines in ul-
teriori parallelo steterint, idem lon-
gè minores sint, quàm qui in anterio-
ribus adstant: nec tamen esse cæteris
minores, sed semotiores apparent,
quam rem quidem à natura ipsa ita
ostendi palàm est. Nam in templis
perambulantium hominum capita,
uidemus ferè in altum æqualia nuta-
re, pedes uerò eorum, qui longius
absint, forte ad genu anteriorum re-
spondere. Hæc omnis diuidendi pa-
uimenti ratio, maximè ad eam pi-
cturæ partem pertinet, quam nos
compositionem, suo loco, nominabi-
mus. Et huiusmodi est, ut uerear ne
ob materiæ nouitatem, ob hancꝓ
commentandi breuitatem, parum à
legentibus intelligantur. Nam, ut
ex operibus prisꝑis facile intelligen-
mus, eadem fortassis apud maiores
nostros quod esset obscura, & diffi-
cillima, admodum incognita latuit.

Vix

Vix enim ullam antiquorū historiam aptè cōpositam, neq; pictam, neq; fictam, neq; sculptam reperies. Qua de re hæc à me dicta sunt breuiter, &, ut existimo, non omnino obscure. Sed intelligo qualia sint: ut cum in his nullam eloquētiæ laudē adipisci queam, cum eadē qui primo aspectu non cōprehenderit, uix ullo unquam uel ingenti labore apprehendat. Subtilissimis autem & ad picturā bene pronis ingenijs, hæc, quoquomodo dicātur facillima sanè & pulcherrima sunt: quæ quidem rudibus, & à natura parū ad has nobilissimas artes pronis, etiam si ab eloquentissimis dicantur, admodū ingrata sunt. A nobis uerò eadem, qđ sine ulla eloquētiā, breuissimè recitata sint, fortassis nō sine fastidio leguntur. Sed uelim nobis dent ueniam, si dum in primis uolui intelligi, id prospexi, ut clara esset nostra oratio, magis quàm compta & ornata. Quæ uerò sequentur minus, ut spero, tedium legentibus afferent. Diximus ergo de
c s triangu

triangulis, de pyramide, de interci-
sione, quæ dicenda uidebantur, quas
res tamen consueui apud familiares
prolixius, quadam geometrica ratio-
ne, cur ea ita essent, demonstrare, quod
his cōmentarijs, breuitatis causa, præ-
termittendum censi. Hic enim sola
prima, picturæ artis, rudimenta re-
censui. Ea quæ idcirco rudimenta nun-
cupari uolumus, quod ineruditis pi-
ctoribus, prima artis fundamenta ie-
cerint. Sed huiusmodi sunt, ut qui ea-
dem probè tenuerit, is cum ad inge-
nium, tum ad cognoscendam picturæ
diffinitionē, tum etiam ad ea, de qui-
bus dicturi sumus, non minimū pro-
fuisse intelligat. Neque sit qui dubitet
futurum pictorem, nunquam bonum
eum, qui, quæ pingendo conetur, non
ad unguem intelligat. Frustra enim
arcu cōtenditur, nisi quò sagittam di-
rigas destinatū habeas. Ac uelim qui-
dem apud nos persuasum esse, eum so-
lum fore pictorem optimū, qui opti-
mè cum fimbrias, tum superficierum
qualitates

qualitates omnes notasse didicerit.
Contraque eum futurum nunquam bonum artificem affirmo, qui non diligentissime, quæ dicimus, omnia tenuerit. Idcirco nobis hæc de superficiibus, & intercessione dicta per necessaria fuere. Sequitur ut pictorem instituamus, quemadmodum quæ mente conceperit, ea manu imitari queat.

LEONIS BAPTISTAE

DE ALBERTIS, LIBER II.

Qui pictura inscribitur.



ED quoniam hoc perdis-
cendi studiū fortē nimis
laboriosum iuuenibus ui-
deri potest, idcirco hoc
loco ostendendū censeo,
quā sit pictura non indigna, in qua
omnem operam & studiū consuma-
mus. Nam habet ea quidem in se uim
admodum diuinam; non modo quod
ut de amicitia dicunt, absentes pictu-
ra praesentes esse faciat: uerum etiam
defunctos longa post secula uiuenti-
bus exhibeat, ut summa cum artificis
admiratione, ac uisentium uoluptate
cognoscatur. Refert Plutarchus Cas-
sanderum unū ex Alexandri ducibus,
quod simulachrū iam defuncti Ale-
xandri intueretur, in quo regis maie-
statem cognouisset, toto eum corpo-
re trepidasse, Agesilaumq; Lacenam,
quod se esse admodum deformem, in-
telligeret

telligeret, suam recusasse à posteris effigiem cognosci, eaq; de re neq; pingi à quoquàm, neq; fingi uoluisse. Itaq; uultus defunctorū, per picturam quodammodo uitam praelongā degunt. Quod uerò pictura deos expresserit, quos gentes uenerantur, maximum id quidem mortalibus donum fuisse censendum est. Nam ad pietatem, qua superis potissimum coniuncti sumus, atq; ad animos, integra quadam cum religione, detinendos, nimium pictura profuit. Phydias in Elide Iouem fecisse dicitur, cuius pulchritudo non parum, receptæ religioni, adiecerit. Iam uerò ad delicias animi honestissimas, atq; ad rerum decus quantū *Pictura qd* conferat pictura, cū aliundè tum hinc *conferat.* maxime licet uidere, quòd nullam ferme dabis rem usque adeò preciosam, quàm picturæ societas, non longè cariorē, multoq; grauissimam efficiat. Ebur, gemmæ, & istiusmodi cara omnia, pictoris manu fiunt preciosiora. Aurum quoq; ipsum picturæ arte elaboratum

boratum, longe plurimo auro penditur. Quin uel plumbum metallorum uilissimū, siphidiæ aut Praxitelis manu in simulachrū aliquod deductum sit, argento rudi atq; inelaborato esse preciosius fortasse putabitur. Zeusia pictor suas res donare cœperat: quoniam, ut idem aiebat, precio emi non possent. Nullum enim precium existimabat inueniri, quod satisfaceret huic qui pingendis aut fingēdis animantibus, quasi alterum sese inter mortales deum præstaret. Has ergo laudes habet pictura, ut ea instructi cum opera sua admirari uideant, tum deo se penē simillimos esse intelligāt. Quid quod omniū artium, uel magistra, uel sanē præcipuum pictura ornamentū est? Nam architectus quidem epistilia, capitula, bases, columnas, fastigiaq; & huiusmodi cæteras omnes ædificiorū laudes, ni fallor, ab ipso tantū pictore sumpsit. Pictoris enim regula & arte, lapicida, sculptor, omnesq; fabrorū officinæ, omnesq; fabriles artes diriguntur.

tur. denique nulla penè ars non penitus
abiectionissima reperietur, quæ picturam
non spectet; ut in rebus quicquid assue
decoris, id à pictura sumptum audeam
dicere. Sed hoc in primis honorem à ma
ioribus honestata pictura est, ut cum
cæteri ferme omnes artifices, fabri nun
cuparent, solus in fabrorum numero pi
ctor non esset habitus. Quæ cum ita sint,
consueui inter familiares dicere, pictu
ræ inuentorem fuisse, poetarum sententia
Narcissum illum, qui sit in florem uer
sus. Nam cum sit omnium artium flos
pictura, tum de Narcisso omnis fabu
la, pulchre ad rem ipsam perapta erit.
Quid est enim aliud pingere, quam arte *Pingere*
superficiem illam fontis amplecti? Cen *quid sit.*
sebat Quintilian. priscos pictores soli
tos umbras ad solem circumscribere, ac
demum additamentis artem excreuisse.
Sunt qui referant Philoclem quendam
Aegyptium & Cleantem, nescio quem in
ter primos huius artis reptoress fuisse.
Aegyptii affirmant sex milibus annorum
apud se picturam in usu fuisse priusquam in
Grecia esset translata. E Grecia uero in

Italiā, dicunt nostri, uenisse picturā
 post Marcellī uictorias ex Sicilia. Sed
 Pictura à post Marcellī uictorias ex Sicilia. Sed
 qbus pro= non multū interest aut primos picto-
 fecta. res, aut picturæ inuentores tenuisse,
 quandoquidem non historiam pictu-
 ræ, ut Plinius, sed artem nouissimè re-
 censeamus. De qua hac ætate nulla
 scriptorū ueterum monimenta, quæ
 ipse uiderim, extant. Tametsi ferunt
 Eufranorē Hischimium nonnihil de
 symetria & coloribus scripsisse, Anti-
 gonumq; & Xenocratem, de picturis
 aliqua literis mandasse, tum & Apel-
 lem ad Perseū de pictura cōscripsisse.
 Refert Laërtius Diogenes, Demetriū
 quoq; philosophum picturam cōmen-
 tatū fuisse; Tum etiam existimo cum
 cæteræ omnes bonæ artes, monumen-
 tis literarum à maioribus nostris com-
 mendatæ fuerint, picturā quoq; à no-
 stris Italis non fuisse scriptoribus ne-
 glectam. Nam fuere quidē antiquis-
 simi in Italia Etrusci, pingendi arte
 Etrusci pin- omniū peritissimi. Censet Trime-
 gendi arte peritissimi. gistus uetustissimus scriptor, unā cum
 religione

religione sculpturā & picturam exor-
tam, sic enim inquit ad Asclepiū: Hu-
manitas memor naturæ & originis
suæ, deos ex sui uultus similitudine fi-
gurauit. Et quis negabit omnibus in-
rebus cum publicis, tum priuatis, pro-
phanis, religiosisq; picturā sibi hone-
stissimas partes uendicasse? Vt nullū
artificiū apud mortales tanti ab omni-
bus existimatū inueniam. Referūtur
de tabulis pictis precia penē incredibi-
lia. Aristides Thebanus, picturā uni-
cam centū talentis uendidit. Rhodum
nō incensam à Demetrio rege, ne Pro-
thogenis tabula periret, referūt. Rho-
dū ergo unica pictura fuisse, ab hosti-
bus, redemptam, possumus affirmare.
Multa præterea huiusmodi collecta
sunt, quibus aptè intelligas semper bo-
nos pictores in summa laude & hono-
re apud omnes fuisse uersatos, ut etiā
nobilissimi ac præstātissimi ciues, phi-
losophiq; & reges, nō modo pictis re-
bus, sed pingēdis quoq; maximē dele-
ctarētur. L. Manilius, ciuis Rom. &
d Fabius

Fabius homo in urbe nobilissimus, pictores fuerunt. Turpilius eques Rom. Veronæ pinxit. Sitedius prætorius & proconsul, pingendo nomen adeptus est. Pacuvius poëta tragicus, Ennii poëtæ nepos ex filia, Hercule in foro pinxit. Socrates, Plato, Metrodorusq; Pyrrhoq; philosophi, pictura claruerunt. Nero, Valentinianusq; atq; Alexander Severus imperatores, pingendi studiosissimi fuere. Longū esset referre, quot principes, quotue reges huic nobilissimæ arti dediti fuerint. Tum etiā minime decet omnē pictorū veterum turbā recensere, quæ quidē quanta fuerit, hinc cōspici potest, quod Demetrio Valerio Phanostrati filio, 360. statuarum, partim equestres, partim in curribus & bigis ferme intra 400. dies fuere consumatarum. Ea uerò in urbe in qua tantus fuerit sculptorū numerus, utrū & pictores non paucos fuisse arbitramur? Sunt quidem cognatæ artes eodemq; ingenio pictura & sculptura nutritæ. Sed ipse pictoris ingenium, quod

quòd in re longè difficillima uersetur,
semp̃ preferā. Verū ad rem redeamus.
Ingēs nanq; fuit & pictorū & sculpto-
rum illis tēporibus turba, cū et princi-
pes, & plebei, & docti atq; indocti pi-
ctura delectabātur. Cumq; inter pri-
mas ex puincijs prēdas, signa & tabu-
las in theatris exponebāt: eoq; pcessit
res, ut Paulus Aemilius, cæteriꝫ non
pauci Romani ciues, filios inter bonas
artes ad bene beateꝫ uiuendū, picturā
edocerēt: qui mos optimus apud Grę-
cos maximè obseruabat, ut ingenui et
liberè educati adolescētes, unā cum li-
teris, Geometria & Musica, pingendi
quoq; arte instruerent. Quin & fœmi-
nis etiā hæc pingendi facultas honori
fuit. Martia Varronis filia, q; pinxerit
apd̃ scriptores, celebrat. Ac fuit quidē
tanta in laude & honore pictura, ut a-
pud Græcos cauereē edicto, ne seruis
picturā discere liceret, neq; id quidem
iniuria. Nā est pingēdi ars, pfecto libe-
ralibus & nobiliss. animis dignissima,
maximūꝫ optimi & pręstātis ingenij
d 2 apud

apud me semper fuit indicium illius, quem pictura uehemēter delectari intelligerē. Tametsi hæc una ars, & doctis & indoctis æque admodū grata est. Quæ res nulla ferè alia in arte euenit, ut quod peritos delectat, impitos quoq; moueat. Neq; facile quempiam inuenies, qui non maiore in modum optet se in pictura p̄fecisse. Ipsam deniq; naturā pingendo delectari manifestum est. Videmus enim naturā, ut sæpe in marmoribus Hippocentaurus, regumq; barbata facies effigiet. Quin & aiunt in gemma Pyrrhi nouem Musas, cū suis insignibus distinctè à natura ipsa fuisse depictas. Adde his qd nulla ferè ars est, in qua perdiscenda ac exercenda omnis ætas & peritorū & imperitorū, tanta cum uoluptate uersetur. Liceat de meipso profiteri, si quando me animi uoluptatisq; causa ad pingendū confero, quod facio sanè persæpius, cū ab alijs negocijs ociū suppeditat, tanta cum uoluptate in opere perficiundo insisto, ut tertiā & quar-

& quartā quoq; horam elapsam esse,
uix possim credere. Itaq; uoluptatem
hæc ars affert, dum eam colueris lau-
dem, diuitias, ac perpetuā famā, dum
eam bene excultam feceris. Quæ res
cum ita sit, cum sit pictura optimū &
uetustissimū ornamentū rerum, liber-
is digna, doctis atq; indoctis grata,
maiores in modum hortor studiosos
iuuenes, ut, quoad liceat, picturæ plu-
rimam operam impendant. Proximè
eos moneo, qui picturæ studiosissimi
sunt, ut omni opera & diligentia pro-
sequantur ipsam perfectam pingendi
artem tenere. Sit uobis, qui pictura
præstare contenditis, cura in primis
nominis & famæ, quam ueteres asse-
cutos uidetis. Ac meminisse quidem
iuuabit, semp aduersam, laudi & uir-
tuti, fuisse auariçiā. Quæstui enim in-
tentus animus, rarò posteritatis fru-
ctum assequetur. Vidi ego plerosq; in
ipso quasi flore perdiscendi, ilico deci-
disse ad quæstum, & nec diuitias, nec
laudem ullam inde fuisse adeptos, qui

*Pictura in
tres partes
diuidi po-
test.*

si ingeniū studio auxissent, in laudem
facile conscēdissent, quo in loco & di-
uitias & uoluptatē accepissent. Itaq̃
de his satis haecenus. Ad institutū re-
deamus. Picturā in tres partes diui-
dimus, quam quidem diuisionem ab
ipsa natura compertū habemus. Nam
cum pictura studeat res uisas represen-
tare, notemus quemadmodū res ipsae
sub aspectū ueniāt. Principio quidem
cum quid aspiciamus, id uidemus esse
aliquid quod locum occupet. Pictor
uerò huius loci spacium circūscribet,
eamq̃ rationē, ducendę fimbriæ, apto
uocabulo circūscriptionē appellabit,
proximē intuentes dignoscimus; ut
plurimæ prospecti corporis superficies
inter se conueniant, hasq̃ superficierū
coniunctiones artifex suis locis desi-
gnās, rectē compositionē nominabit.
Postremó aspiciētes, distinctius super-
ficierū colores discernimus, cuius rei
representatio in pictura quod omnes
fermē differentias à luminib. recipiat,
percomodē apud nos, receptio lumi-
num

num dicetur. Picturā igitur circūscri- *Tria pictu*
 ptio, compositio, & luminū receptio *ram perficiunt.*
 perficiunt. De his ergo sequitur ut q̄
 breuissimè dicamus & primo de circū
 scriptione. Circunscriptio quidem ea
 est, quæ lineis ambitum fimbriarū in
 pictura conscribit. In hac Parrhasium
 pictorem eum cum quo est apud Xe-
 nophontem Socratis sermo, pulchrè
 peritum fuisse tradunt. Illum enim li-
 neas subtilissimè examinasse aiunt. In
 hac uerò circūscriptione illud præci-
 puè seruādum censeo, ut ea fiat lineis
 quàm tenuissimis, atq; admodū uisum
 fugientibus, cuiusmodi Apellem pi-
 ctorem exerceri solitum, ac cum Pro-
 thogene certasse referunt. Nam & cir- *Circumscri*
 cunscriptio aliud nihil quàm fimbria- *ptio.*
 rum notatio est, quæ quidem si ualde
 apparenti linea fiat, non margines su-
 perficierū in pictura, sed rimulæ ali-
 quæ apparebūt. Tum cuperem aliud
 nihil circumscriptione, nisi fimbria-
 rum ambitum prosequi. In qua qui-
 dem uehementer exercendū affirmo.

Nulla enim compositio, nullaq; lumīnum receptio, non adhibita circūscriptione, laudabitur. At sola circūscriptio plerunq; gratissima est. Circūscriptioni ergo opera detur, ad quam quidem bellissime tenendam, nihil accommodatius inueniri posse existimo, quā id uelum, quod ipse inter familiares meos sum solitus appellare, intercisionē. Cuius ego usum nunc primum adinueni. Id istiusmodi est. Velum filo tenuissimo, & rarè textum, quouis colore tinctum, filis grossioribus in parallelas portiones, quadris quot libeat distinctū, telarioq; distentum, quod quidem inter corpus representandū atq; oculum constituo, ut per ueli raritates, pyramis uisua penetret. Habet enim hæc ueli intercisio, profecto cōmoda in se non pauca: primo quod easdem semper immotas superficies referat. nam positis terminis ilico pristinā pyramidis cuspidem reperies, quæ res absq; intercisione sanè per difficillima est. Et nostri
quām

quàm sit impossibile aliquid pingendo recte mutari, quod nō de se perpetuo eandem pingenti faciem seruet. Hinc est quod picta ab alijs res, cum semper eandem faciem seruent, facilius quàm sculptas emulantur. Tum nosti, quàm interuallo accentrici positione mutatis, res ipsa uisa, alterata esse appareat. Itaq; hanc non mediocrem, quam dixi utilitatem, uelū præstabit, ut res semper eadem è conspectu persistat. Proxima utilitas est, quòd fimbriarum situs & superficierum termini, certissimis in pingenda tabula locis, facile constitui possint.

Nam cū istoc in parallelo, frontem: in proximo, nasum: in propinquo, genas: in inferiori, mentum, & istiusmodi omnia, in locis suis disposita intuearis, itidem in tabula aut pariete, suis quoq; parallellis diuisa, ilico bellissimè omnia collocaris. Postremo hoc idem uelum, maximum, ad perficiendam picturam, adiumentū præstat, quando quidem rem ipsam præ-

d s minentem

minentem, & turgidam in istac planitie ueli conscriptam, & depictam, uideas. Quibus ex rebus quantam ad facile & rectè pingendum utilitatem uelum exhibeat, satis & iudicio & experientia intelligere possumus. Nec eos audiam, qui dicunt minimè conducere pictorem his rebus assuesieri, quæ & si maximum ad pingendum adiumentum afferant, tamen huiusmodi sunt, ut absq; illis, uix quicquā per se artifex possit. Non enim à pictore, nisi fallor, infinitum laborem exposcimus, sed picturam expectamus, eam quæ maximè prominens, & datis corporibus persimilis uideatur. Quā rem quidem non satis intelligo quonam pacto unquam sine ueli adminiculo, possit quispiam, uel mediocriter assequi. Igitur intercissione hac, id est uelo, ut dixi, utantur, hi qui student in pictura, perficere. Quod si absq; uelo experiri ingeniū delectet, hanc ipsam parallelorum rationem intuitu consequatur, ut semper lineam illic
trans

transuersam, ab altera perpendiculari, perfectam imagnetur, ubi prospectum terminum in pictura statuunt. Sed cum plerunq; inexpertis pictoribus fimbriæ superficierum dubiæ & incertæ sint, ueluti in uultibus, qui non decernunt, quo potissimum loco tempora à fronte discriminantur, edocendi idcirco sunt, quonam argumento eam rei cognitionem assequantur. Natura id quidem pulchrè demonstrat. Nam ut in planis superficiebus intuemur, ut suis proprijs luminibus & umbris insignes sint, ita & in sphaericis atque concavis superficiebus, quasi in plures superficies easdem diuersis umbrarum & luminum maculis, quadratas uidemus. Ergo singulæ partes claritate, & obscuritate differentes, pro singulis superficiebus habendæ sunt. Quod si ab umbroso, sensim deficiendo ad illustrem colorem, uisa superficies cōtinuârit, tunc medium, quod inter
utrunq;

utrunq; spaciū est, linea signare oportet, quò omnis colorandi spaciū ratio minus dubia sit. Restat ut de circumscriptione aliquid etiam referamus, quod quidē ad compositionē quoq; non parum pertinet, idcirco nō ignorandum est, quid sit compositio in pī
Cōpositio. ctura. Est autem compositio ea pingendi ratio, qua partes in opus picturæ componuntur. Amplissimum pictoris opus historia, historiæ partes, corpora : corporis pars membrum : membri pars est superficies. Etenim cum sit circumscriptio ea ratio pingendi, qua fimbriæ superficierum designantur cuiq;, & superficierū aliæ parue, ut animantium : aliæ ut ædificiorum, & Colossorum amplissimæ sint, de paruis superficiibus circumscribendis, ea præcepta sufficiant, quæ hætenus dicta sunt. Nam ostensum est, ut eadem pulchrè uelo metiamur. In maioribus ergo superficiibus circumscribendis, noua ratio reperienda est. Qua de re quæ supra in rudimentis

mentis à nobis de superficiebus, radijs, pyramideq; atq; intercissione, exposita sunt, ea omnia menti repetenda sunt. Deniq; meministi quæ de pavimento parallellis, & centrîco puncto, atq; linea differui. In pavimento ergo parallellis inscripto, alæ murorum, & quævis huiusmodi, quas incumbentes nuncupauimus superficies, coedificandæ sunt. Dicam ergo breuiter, quid ipse in hac coedificatione efficiam. Principio ab ipsis fundamentis exordium capio: Latitudinẽ enim & longitudinem murorũ in pavimento describo. In qua quidem descriptione illud à natura animaduerti, nullius quadrati corporis rectorum angulorum, plusquàm duas solo incumbentes iunctas superficies, uno aspectu posse uideri. Ergo in describendis parietum fundamentis, id obseruo, ut solum ea latera circumeam, quæ sub aspectu pateant. Ac primo semper à proximioribus superficiebus incipio, maximè ab his, quæ æque ab intercissione distant.

stant. Itaq; has ego ante alias conscribo, atq; quàm uelim esse harum ipsarum longitudinem ac latitudinem, ipsis in pauimento descriptis parallelis, constituo. Nam quod ea uelim esse brachia, tot mihi parallelos assumo. Medium uerò parallellorum ex utriusq; diametri mutua sectione accipio. Itaq; hac parallellorum mensura, pulchre latitudinem atq; longitudinem surgentium à solo medium cōscribo. Tum altitudinē quoq; superficierum hinc non difficillime assequor. Nam quæ mensura est inter centricā lineā, & eum pauimenti locum, unde ædificij quantitas insurgit, eandem mensuram, tota illa quātitas seruabit. Quod si uoles istanc quantitatē, ab solo esse usq; in sublime quater, quàm est hominis picti longitudo, & fuerit linea centrica ad hominis altitudinem posita, erunt tunc quidem ab infimo, quantitatis capite, usque ad centricam lineam, brachia tria. Tu uerò qui istam quantitatem uis usq; ad brachia XII
excre

excreſcere, ter tantundem, quantum
eſt à centrìca uſq; ad inferius quanti-
tatis caput ſurſum uerſus educito. Er-
go ex his quæ retulimus rationibus
pingendi, probè poſſumus omnes an-
gulares ſuperficies circumſcribere.

Reſtat ut de circularibus ſuperficie-
bus ſuis ſimbrijs conſcribendis, enar-
remus. Circulares quidem ex angula-
ribus extrahuntur. Id ipſe ſic facio

Areolā quadrangulo æquilatèro re- Areola
ctorum angulorū incircuo, huiusq;
quadranguli latera in partes eiufmo-
di diuido, in quales partes inferior,
in pictura, quadranguli linea diuiſa
eſt. Lineasq; à ſingulis punctis, ad ſibi
oppositos punctos diuiſionum du-
cens, paruis quadrangulis aream re-
pleo illicq; circulum, quàm uelim ma-
gnum, ſuper inſcribo, ut mutuo ſe-
ſe circulus & paralellæ lineæ ſecent.
Omnesque ſectionum punctos lo-
co adnoto, quæ loca in ſuis para-
lellis pauimenti deſcripti in pictura
conſigno. Sed quia eſſet extremus
labor

labor minutis, ac penè infinitis parallelis totum circulum multis, ac multis locis percidere, quoad numerosa punctoꝝ consignatione, fimbria circuli continuaretur: Idcirco ipse cum octo, aut quod libuerit, percisiones notâro tum ingenio, eum circuli ambitum, pigendo ad ipsos signatos terminos duco. Fortassis breuior esset uia, hanc fimbriam ad umbram lampadis circumscribere: modo corpus, quod umbram efficiat, certa ratione lumen exciperet, & suo loco interponeretur. Itaq; diximus ut paralleloꝝ adiumentis, maiores superficies angulares, & circulares circumscribantur. Absoluta igitur omni circumscriptione, sequitur ut de compositione dicendum sit. Repetendū idcirco est quid *Compositio* sit compositio. Est autem compositio ea pingendi ratio, qua partes in opus picturæ componuntur. Amplissimū pictoris opus, non Colossus, sed historia est. Maior enim est ingenij laus in historia, quàm in Colosso. Historiæ partes

partes corpora, corporis pars membrum est. Membri pars est superficies. Primæ igitur operis partes, superficies, quæ ex his membra, ex membris corpora, ex illis historia, ex qua ultimum illud quidē & absolutū pictoris opus perficitur. Ex superficierum compositione illa elegans in corporibus concinnitas, et gratia extat, quam pulchritudinem dicunt. Nam his uultus, quæ superficies alias grandes, alias minimas illuc prominentes, istuc intus nimium retrusas, & reconditas habuerit, quales in uetularum uultibus uidemus: erit quidem is, aspectu turpis. In qua uerò facie ita uinctæ aderunt superficies, ut amena lumina in umbras suaues defluant, nullæque angulorum asperitates extent, hanc merito formosam, & uenustam faciem dicemus. Ergo in hac superficierum compositione, maxime gratia & pulchritudo perquirenda est. Quoniam uerò pacto id assequamur, nulla admodum mihi uisa est uia certior, quam ut na-

Operis partes que.

turam ipsam intueamur, diuq; ac diligentissimè spectemus, quemadmodum natura mira rerū artifex, in pulcherrimis membris superficies cōposuerit. In qua imitanda, omni cogitatione & cura uersari, uelocq;, ut diximus, uehementer delectari oportet. Dumq; superatas à pulcherrimis corporibus superficies, in opus relaturi sumus semper terminos prius destinemus, quò lineas certo loco dirigamus. Haftenus de superficie rū compositione. Sequitur ut de cōpositione membrorū referamus. In membrorū cōpositione danda in primis opa est, ut quæq; inter se membra cōueniant. Ea quidē tūc cōuenire pulchrè dicuntur, cum & magnitudine & officio & specie & coloribus & cæteris, si quæ sunt huiusmodi rebus, ad uenustatē et pulchritudinē correspōdeant. Quod si in simulachro aliquo caput amplissimū, pectus pusillū manus p̄ ampla, pes tumens, corpus turgidū adsit, ea sanè cōpositio erit aspectu deformis.

Ergo

*Cōpositio
membrorū*

Ergo quædam circa magnitudinẽ ratio tenenda est. In qua quidem commensuratione, iuuat in animantibus pingendis, primum ossa ingenio subtercolare. Nam hæc quæ od minime inflectantur, semper certã aliquã sedem occupant. Tum oportet neruos & musculos, suis locis inharere. Deniq; extremũ carne & cute ossa, & musculos uestitos reddere. Sed hoc in loco fortassis aderunt quidam obijcientes, quòd supra dixerim, nihil ad pictorẽ earum rerũ spectare, quæ nõ uideant. Recte illi quidẽ, sed ueluti inuestiendo prius nudum subsignare oportet, quẽ postea uestibus obambiẽdo inuoluamus, sic in nudo pingẽdo, prius ossa & musculi disponendi sunt quos moderatis carnibus & cute ita operias, ut quo sint loco musculi nõ difficile intelligat. At enim cũ has omnes mensuras natura ipsa explicatas, in mediũ exhibeat, tum in eisdẽ, ab ipsa natura, proprio labore recognoscendis utilitatem nõ modicam inueniet.

e a studiosus

Symmetria studiosus pictor. Idcirco laborē hunc studiosi suscipiant, ut quantū in symmetria membrorū recognoscenda studij & operæ posuerint, tantum sibi ad eas res quas didicerint memoria firmandas, profuisse intelligant. Vnum tamen admoneo, ut in commensurando animante, aliqua illius ipsius animantis membrum sumamus, quo cætera metiamur. Vitruuius architectus, hominis longitudinem pedibus dinumerat. Ipse uerò dignius arbitrator, si cætera ad quantitatem capitis referantur. Tametsi hoc animaduerti, fermè cōmune esse in hominibus, ut eadem & pedis, & quæ est à mento ad ceruicem capitis, mensura intersit. *Aliàs uerticem.* Itaq; uno suscepto membro, huic cætera accōmodanda sunt. Vt nullum in toto animante, membrū adsit longitudine aut latitudine, cæteris non correspondens. Tum prouidendum est, ut omnia membra suum, ad id de quo agitur, officium exequantur. Decet currentē manus nō minus iactare quàm

quàm pedes. At philosophorū oran-
 tem, malo in omni membro, sui mo-
 destiam, quàm palestram ostendet. *παλαί-*
 Demon pictor, Hoplicitem incerta- *σπα. Lu**
 mine expressit, ut illū sudare tum qui- *tus & lo-*
 dem diceret, alterūq; arma deponen- *tus.*
 tem planè, ut anhelare uideret. Fuit
 & qui Vlyxem pingeret, ut in eo nō
 ueram, sed fictam & simulatam insa-
 niam agnoscas. Laudatur apud Ro-
 manos historia, in qua Meleager de-
 functus asportatur, & qui subsunt,
 angī, & omnibus membrīs laborare
 uideantur. In eo uerò qui mortuus
 sit, nullum adsit membrū, quod non
 demortuum appareat, scilicet omnia
 pendent, manus, digitī, ceruix: om-
 nia languida decidunt. Deniq; omnia
 ad exprimendam corporis mortem,
 congruunt, quod quidem omniū dif-
 ficillimū est. Nam omni ex parte ocio-
 sa in corpore membra effingere, tam
 summi artificis est, quàm uiua omnia,
 & aliquid agentia redderet. Ergo hoc
 ipsum in omni pīctura seruandū est,

ut quæq; membra suum, ad id de quo agitur, officiũ ita peragant, ut ne minimus quidem articulus, pro re, uacet munere adeo, ut mortuorũ membra, ad unguem usq; mortua, uiuentium uerò omnia, uiua esse uideant. Viuere corpus tum dicitur, cũ motu quodã, sua sponte, agatur. Mortemq; aiunt: esse, ubi membra uitæ officia, hoc est motum & sensum, amplius ferre nequeunt. Ergo quæ corporũ simulaehra, pictor, uiua apparere uoluerit, in his efficiet, ut omnia membra suos motus exequantur. Sed in omni motu uenustas & gratia sectanda est. Ac maximè hi membrorum motus, uiua ces & gratissimĩ sunt, qui aëra in altũ petunt. Tum speciem quoq; diximus in componendis membris spectandã esse. Nam per absurdum esset, si Helenæ, aut Iphigeniæ manus, seniles & rusticanæ uiderentur. Aut si Nestori pectus tenerum & ceruix lenis: aut si Ganimedĩ frons rugosa, crura athletæ: aut si Milonĩ, omnium robustissimo

limo, latera leuia & gracilia addere-
mus. Tum etiã in eo simulachro, in
quo uultus sint solidi, & succi pleni,
ut aiunt, turpe esset lacertos & ma-
nus macie absumptas agere. Cõtraq̃
qui Achamenidem, ab Aenea, in in-
sula inuentũ, pingeret facie, qua eum
fuisse, Virgilius refert; nec cætera fa-
ciei conuenientia sequerentur, esset
is quidẽ pictor perridiculus, atq̃ in-
eptus. Itaq̃ specie omnia conueniant
oportet. Tum colore quoque inter
se correspondeant, uelim. Nam qui-
bus sint uultus rosei, uenusti, niuei,
his pectus ac cætera membra fusca,
& truculenta minimẽ conueniunt.
Ergo in compositione membrorum,
quæ de magnitudine, officio, specie
& coloribus tenenda sunt: diximus
satis. Nam rei pro dignitate omnia
subsequentur oportet. Et Venerem
aut Mineruam saga indutam, mini-
mẽ conuenit. Iouem, aut Martem,
ueste muliebri indecenter uestires.
Castorẽ & Pollucem prisci pictores,
c 4 pingendo

Corporum
compositio

pingendo curabant, ut cum gemelli uiderentur, in altero tamen pugilem naturam, in altero agilitatē discerneret. Tum & Vulcano claudicandi uitiū apparere, sub uestibus uolebant. Tantum illis erat studiū pro officio, specie & dignitate, quod oportet exprimere. Sequitur corporum compositio, in qua omne pictoris ingenium & laus uersatur. Quam quidē ad compositionem, nonnulla, in compositione membrorum dicta, pertinent. Nam officio & magnitudine corpora omnia, in historia cōueniant oportet. Si enim Centauros in coenā tumultuantes pinxeris, ineptum esset, in tam efferato tumultu, aliquem uino sopitum accubare. Tum etiā uitiū esset, si homines parī distantia, alij alijs multo maiores: ut si canes, equis pares, in pictura adessent. Neque parum etiā uituperandū est, quod plerunquē uideo pictos in ædificio homines, quasi in scrinio reclusos, in quo uix sedentes, & in orbem coacti recipiantur.

recipiatur. Corpora igitur omnia, & magnitudine & officio, ad eam rem de qua agitur, cōueniant. *Historia* *Historia* uero quā meritō possis & laudare & admirari eiusmodi erit, quæ illecebris quibuscūq; sese ita amœnā & ornatam exhibeat, ut oculos docti atq; indocti spectatoris, diutius quadā cum uoluptate, & animi motu, detineat. Primū enim quod in historia uoluptatē afferat, est ipsa copia & uarietas rerum.

Vt enim in cibis atq; in Musica semper noua & exuberantia, cum cæteras fortassis ob causas, tum nimirum eam ob causam delectāt, quòd ab uetustis & consuetis differant. Sic in omni rerum uarietate, animus & copia admodum delectatur. Idcirco in pictura, & corporū & colorum uarietas amœna est. Dicam historiā esse copiosissimā illam, in qua suis locis permixti aderunt senes, uiri, adulescētes, pueri, matronæ, uirgines, infantes, cūcures, castelli, auiculæ, equi, pecudes, ædificia, prouinciæq; omnemq; copiam laudabo

dabo, modo ea ad rem de qua illic agitur, conueniat. Fit enim ut cum spectantes, lustrandis rebus morentur, tum pictoris copia gratiā assequatur. Sed hanc copiam uelim cum uarietate quadam esse ornatā, tum dignitate & uerecundia grauem atq; moderatam. Improbo quidem eos pictores, qui quo uideri copiosi, quoue nihil uacuum relictum uolunt, eo nullam sequuntur compositionē, sed confusē & dissolutē omnia disseminant, ex quo non rem agere, sed tumultuare, historia uidetur: ac fortassis qui dignitatē in primis in historia cupiet, huic solitudo admodū tenenda erit. Vt enim in principe, maiestatē affert uerborū paucitas, modo sensa & iussa intelligantur, sic in historia competens corporum numerus, adhibet dignitatem, uarietas gratiā affert. Odi solitudinē in historia, tamen copiam minimē laudo, quæ à dignitate abhorreat. Atq; in historia id uehemēter approbo, quod à poetis tragicis atq; comicis obserua-

tum

tum uideo, ut q̄ possint paucis personatis fabulam doceant. Meo quidem iudicio nulla erit usq̄ adeò tanta rerū uarietate referta historia, quā nouem aut decem homines nō possint condigne agere, ut illud Varronis huc pertinere arbitror, qui in cōuiuio tumultū euitans, non plusquā nouem accubantes, admittebat. Sed in omni historia, cum uarietas iocūda est, ea tamen in primis omnibus grata est pictura, in qua corporū status atq̄ motus, inter se multo dissimiles sunt. Stent igitur alij toto uultu conspicui, manibus supinis, & digitis micantibus, alterū in pedē innixi: alijs aduersa sit facies, & demissa brachia, pedesq̄ iniuncti, singulisq̄ singuli flexus, & actus extēt: alij consideāt, aut in flexo genu morētur, aut propē incumbāt, sintq̄ nudi, si ita deceat, alij: nōnulli mixta ex utrisq̄ arte, partim uelati, partim nudi assistant. Sed pudori semp & uerecundiæ inseruiamus. Obscœnæ quidem corporis, & hæ omnes partes, quæ parum gratiæ

*Historia
nouem aut
decem personis agi
poterit.*

gratiæ habent, panno, aut frondibus, aut manu operiantur. Apelles Antigonis imaginē, ea tantū parte uultus pingebat, qua oculi uitium non aderat. Et Homerus, cum naufragū Vlisse ē somno excitāt, ex sylua, ad muliercularum uocem progredi nudum faceret, hominī, ex frondibus arboreis ramum, obscœnarū partium corporis, tegumentū, dedisse legitur. Periclem referunt, oblongum & deforme habuisse caput, idcirco à pictoribus & sculptoribus, nō ut cæteros in operto capite, sed casside uestito, eum formari solitum. Tum antiquos pictores, refert Plutarchus, solitos in pingendis regibus, si quid uitij erat formæ, non id p̄termisissum uideri uelle, sed quàm maximè possent, seruata similitudine, emendabāt. Hanc ergo modestiam & uerecundiam in uniuersa historia obseruari cupio, ut foeda aut prætereantur, aut emendentur. Deniq̃, ut dixi, studendum censeo, ut in nullo ferme idem gestus, aut status conspiciatur.

Animos

Animos deinde spectantium mouebit historia, cum qui aderint quieti homines, suum animi motum maximè præseferent. Fit namque natura, qua nihil sui similium rapatius inueniri potest, ut lugentibus, collugeamus: ridentibus, arrideamus: dolentibus, condoleamus. Sed hi motus animi, ex motibus corporis cognoscuntur. Nam uidemus, ut tristes, quòd curis adstricti, & ægritudine defessi sint, totis sensibus ac uiribus torpeant, interque pallentia, & admodum labentia membra, sese lenti detineant. Est quidem merentibus pressa frons, ceruix languida, denique omnia ueluti defessa, & neglecta procidunt. Iratis uerò, quòd animi ira incendantur, & uultus & oculi intumescunt, ac rubent, membrorumque omnium motus, pro furore iracundiæ, in eisdem acerrimè & iactabundi sunt. Læti autem & hilares cum sumus, tum solutos, & quibusdam flexionibus gratos motus habemus. Laudatur Euphranor, quòd in Alexandro Paridis uultus

uultus & faciem effecerit, in qua illum
& iudicem Dearum, & amatorē He-
lenæ, & unā Achillis interfectore pos-
sis agnoscere. Est & daemōnis picto-
ris mirifica laus, quod in eius tabulis
adesse iracundū, iniustum, inconstan-
tem, unaq; & exorabilem, & clemen-
tem, misericordem, gloriosum, humi-
lem, ferocemq; facile intelligas. Sed
inter cæteros referūt Aristidem The-
banum Apelli æqualem propè, hos
animi motus expressisse, quos certum
quidem est, & nos quoq; dum in ea re
studium & diligentia, quantū conue-
nit, posuerimus, pulchrè assequimur.
Pictori ergo corporis motus notissi-
mi sint oportet, quos quidē multa so-
lertia à natura petendos censeo. Res
enim perdifficilis est propè, infinitis
animi motibus, corporis quoq; mo-
tus variare. Tum quis hoc, nisi qui
expertus sit, crediderit, usq; adeò esse
difficile, cum uelis, ridentes uultus ef-
figiare, uitare id, ne plorabundī ma-
gis quàm alacres uideantur? Tum ue-
rò &

ro & quis poterit sine maximo studio
& diligētia uultus exprimere, in qui-
bus & os, & mentā, & oculi, & genæ,
& frons, & supercilia in unum ad lu-
ctum, aut ad hilaritatem conueniant.
Idcirco diligentissimè ex ipsa natura
cuncta perscrutanda sunt, semperq̃
promptiora imitanda. Ea q̃ potissi- *Pingenda*
mum pingēda sunt, quæ plus animis, *quæ sint.*
quod excogitent, relinquunt, quàm
quæ oculis intueantur. Sed nos refe-
ramus nōnulla, quæ de motibus par-
tim fabricauimus nostro ingenio, par-
tim ab ipsa natura didicimus. Primū
reor oportere, ut omnia inter se cor-
pora ad eam rem, de qua agitur, con-
cinnitate quadam moueantur. Tum
placet in historia adesse quempiam,
qui earum quæ gerantur rerum, spe-
ctatores admoneat, aut manu ad uis-
endum aduocet, aut, quasi id nego-
cium secretum esse uelit, uultu, ne eò
proficiscare, truci, & toruis oculis
minitetur: aut periculum, remūe ali-
quam illic admirandam demonstret,
aut u

aut ut unâ arrideas, aut ut simul deplo-
res, suis te gestibus inuitet: deniq; &
quæ illi, cum spectantibus & quæ in-
ter se picti exequetur omnia, ad agen-
dam & docendâ historiam, congruât
necesse est. Laudatur Thimantes Cy-
prius in ea tabula, qua Colloteicū ui-
cit: Quod cum in Iphigeniæ immola-
tione tristem Calcanta tristiorē fecis-
set Vlysses: inq; Menelao mœrore
affecto, omnem artem & ingeniū ex-
posuisset, consumptis affectibus non
reperiens, quo dignè modo tristissimi
patris uultus referret, pannis inuol-
uit eius caput: cuiq; plus relinque-
ret, quod de illius dolore animo medi-
taretur, quàm quod posset uisu discer-
nere. Laudatur & nauis apud Romā,
ea in qua noster Etruscus picto Giot-
tus, undecim metu & stupore percul-
sos, ob socium, quem supra undas me-
antem uidebant, expressit, ita pro se
quenq; suum turbati animi inditium
uultu, & toto corpore præferentem,
ut in singulis, singuli affectionū mo-
tus ap-

tus, appareant. Sed decet hunc totum locum de motibus, breuissimè transigere. Sunt namq; motus alij animorū, *Motus* quos docti affectiones nuncupant, ut ira, dolor, gaudiū, timor, desiderium, & eiusmodi: sunt & alij corporum. Nam dicuntur moueri corpora plerisq; modis, siquidē cum crescunt, aut minuūtur: cumq; ualentes in ægritudinem cadunt, cumq; à morbo in ualeitudinem surgunt, cumq; locum mutant, & huiusmodi causis moueri corpora dicuntur. Nos autem pictores, qui motibus membrorū uolumus animos affectos exprimere, ceteris disputationibus omissis, de eo tantū motu referamus, quem tum factum dicunt, cum locus mutatus sit. Res omnis quæ loco mouetur, septem habet mouendi itinera. Nam aut sursum uersus, aut deorsum, aut in dexteram, aut in sinistram, aut illuc longè recedendo, aut contrà nos redeundo. Septimus uerò mouendi modus, is qui in gyrum ambiendo uergitur. Hos igitur omnes mo-

tus cupio esse in pictura. Adfint corpora nonnulla, quæ se ad nos porrigant, alia abeant horsum, dextrorsum, & sinistrorsum. Tum ex ipsis corporibus nonnullæ partes aduersus conspectantes, ostententur, aliquæ retrocedant, aliæ sursum tollantur, aliquæ in infimū tendantur. Sed cū in his expingendis moribus, ratio plerumq; & modus transgrediat; iuuat hoc loco de statu, & de motibus membrorum referre nonnulla, quæ ex ipsa natura collegi, unde planè intelligatur qua moderatione his motibus utendum sit. Perspexi quidē in homine, quàm in omni statu sui, totum substituat corpus capiti, membro omnium ponderosissimo. Tum si toto corpore idem in unum pedem institerit, semper is pes, tanquàm columnæ basis, est ad perpendicularium capiti subiectus. Ac ferme semper eò stantis uultus porrectus est quò sit pes ipse directus. Capitis uerò motus animaduerti, uix unquàm ullam in partē esse tales, ut non semper aliquas

aliquas reliqui corporis partes sub se
positas habeat, quibus immane pon-
dus regat, aut certè in aduersam par-
tem, tanquàm alterà lancem, aliquod
membrum protrahat, quod ponderi
respōdeat. Nanq̃ idem uidemus, dum
quis manu extensa, pondus aliquod
sustentat, ut altero pede tanquàm as-
se bilancis firmatò, alia tota corporis
pars ad coæquandū pondus contrā si-
statur. Intellexi & stantis caput, non
plus uerti sursum, q̃ quo oculi cœlum
mediū contueātur, neq̃ in alterū la-
tus plus diuerſi, quàm usq̃ quo men-
tum, scapulā attigerit. In ea uerò parte
corporis qua incingimur, uix unquā
ita intorquemur, ut humerum supra
umbilicū, ad rectā lineam super asti-
tuamus. Tibiarum & brachiorū mo-
tus, liberiores sunt, modo cæteras cor-
poris honestas partes non impediāt.
At in his illud à natura perspexi, ma-
nus fermè nunq̃ supra caput, neq̃ cir-
bitū supra humeros eleuari. Neq̃ su-
pra genu pedem in altum attolli, neq̃

pedem à pede plus distare,quàm quantum pedis unius spaciũ inter sit. Tum spectauĩ si quã in altum protendamus manum, cum motum, cãteras omnes eius lateris partes, ad pedem usq; subsequi, ut etiã ipsius pedis calcaneus, eiusdem brachij motu, à pauimẽto eleuetur. Sunt his simillima per plurima, quæ diligens artifex animaduertet, & fortasse quæ ipse hactenus retuli, usq; adeo in promptu sunt, ut superflua uideri possint. Sed ea idcirco non negleximus, qđ plerosq; in ea re uehementer errare nouerimus. Motus enim nimium acres exprimunt, efficiuntq; ut in eodem simulachro, & pectus & nates, uno sub prospectu conspiciantur: quod quidem cum impossibile factum, indecentissimum uisu est. Sed hi quò audiũt, eas imagines maximè uitas uideri, quæ plurimũ membra agitent, cò histrionũ motus, spreta omni picturæ dignitate, imitantur. Ex quo non modo gratia & lepore eorũ opera nuda sunt, sed etiã artificis nimis feruens

seruens ingenium exprimūt. Suaues enim & gratos, atq; ad rem de qua agitur, condecētes habere pīctura motus debet. Sīt in uīginibus motus & habitudo uenusta, simplici ætate cōpta, atq; amœna, quæ statum magis sapiat & dulcem quietem quā agitationē: tametsi Homero, quē Zeusis secutus est, etiam in fœminis forma ualidissima placuit. Sīnt in adolescente motus leuiiores, iocundi, cum quadam significatione ualentis animi & uiriū. Sīnt in uiro motus firmiores, & status celerī palestræ admodū ornatī. Sīnt in senibus omnes motus tardi. Sīntq; ipsi status defessi, ut corpus non pedibus modo ambobus sustineant, sed & manibus aliquo inhereant: deniq; pro dignitate cuiq; sui motus corporis, ad eos, quos uelis exprimere motus animi, referantur. Tum deniq; maximarum animi perturbationū, maximē in membris significationes, assint necesse est. Atqui hæc de motibus ratio in omni animāte admodum cōmunis est.

f 3 Non

Non enim cōuenit bouem aratorem, his motibus uti, quibus Bucephalum generosum Alexandri equū. At celebrem illam Inachi filiam, quæ in uac-
cam conuersa sit, fortassis currentem erecta ceruice, leuatis pedibus, intorta cauda perapte pingemus. hæc de animantium motu breuiter excursa, sufficiant. Nunc uerò quoniam & rerum inanimatarum, eos omnes quos dixi motus, in pictura necessarios esse arbitror, quoniam illa pacto moueantur dicendum censeo. Sanè & capillorū, & iubarum, & ramorū, & frondium, & uestium motus in pictura expressi delectant. Ipse quidem capillos cupio eos omnes quos retuli septem motus agere. Etenim uertantur in gyrum, nodum conantes atq; undent in aëra, flammæ imitantes, modoq; sub alijs crinibus serpant, modo sese in has, atq; has partes attollant: sintq; item ramorum flexus, & curuationes partim in sublimè arcuati, partim introcedant, partim ut funis, intorquean-
tur.

tur. Idq; ipsum in plicis pannorū obseruetur, ut ueluti ex trunco arboris rami in omnes partes emanent, sic explicae succedant plicae, utputa in suos ramos: in hisq; idem quoque omnes motus expleantur, ut nulla panni extensio adsit, in qua non idem ferme omnes motus reperiantur. Sed sint motus omnes, quod saepius admoneo, moderati & faciles, gratiamq; potius quam admirationē laboris exhibeāt. Iam uerò cum pannos motibus aptos esse uolumus, cumq; natura sui panni graues, & assiduo in terram cadentes, omnes admodum flexiones refugiāt, pulchrè idcirco in pictura Zephyri, aut Austri facies perflans inter nubes ad historiae angulū ponetur, qua panni omnes aduersi pellantur. Ex quo gratia illa aderit, ut quæ corporū latera uentus feriat, quod panni uento ad corpus imprimantur, ea sub panni uelamento propè nuda appareant. A reliquis uerò lateribus panni uento agitati, peraptè in aëra inundabunt.

Sed in hac uenti impulsione, illud caueatur, ne ulli pannorū motus contra uentum surgant, neue nimium refracti, neue nimium porrecti sint. Hæc igitur de motibus animantium, & rerum inanimatarū dicta, ualde à pictore seruanda sunt: tum etiam ea omnia diligenter exequenda, quæ de superficie membrorum, corporumq; compositione, recensuimus. Itaq; duæ à nobis partes picturæ absolutæ sunt, circūscriptio & cōpositio. Restat ut de luminū receptiōe dicendū sit. In rudimentis satis demonstrauimus, quā uim lumina ad uariandos colores habeāt. Nā manētib; colorū generib; modo apertiores, modo restrictiores colores pro luminū, umbrarūq; pulsu fieri edocuimus, albumq; & nigrū, colores eos esse, qbus lumina & umbras in pictura exprimamus; ceteros uerò colores tanquā materiā haberi, quibus luminis & umbræ alterationes adigant. Ergo cæteris omissis explicandū est, quonā pacto sit pictori albo & nigro utendū.

Veteres

Vetères pictores, Polignotū & Thimantem quatuor coloribus, tantum usos fuisse, tum Aglaophon simplici colore delectatum, admirantur, ac si in tanto, quem putabat esse colorum numero, modicum sit, eosdem optimos pictores, tam paucos in usum delegisse, copiosiꝑ artificis putent, omnem colorū multitudinē, ad opus congerere. Sanē ad gratiam & leporem picturæ affirmo, copiam colorū & uarietatem plurimum ualere, sed sic uelim pictores eruditi existiment, summā industriam atq; artem, in albo tantum & nigro disponendo uersari, inq; his duobus probē locandis, omne ingenium & diligentiam consumandam. Nam ueluti luminum & umbræ casus id efficit, ut quo loco superficies turgeant, quoue in cauū recedant, quantumue quæq; pars declinet ac deflectat appareat. Sic albi & nigri concinnitas efficit illud, quod Nitix pictori Atheniensi laudi datur. Quodue artifice in primis optan-

dum est, ut suæ res pictæ maximè emi-
nere uideantur. Zeusim nobilissimū,
uetustissimumq; pictorē dicunt, quasi
principem ipsam hanc luminum &
umbrarum rationem, tenuisse. Ca-
teris uerò ea laus minimè attributa
est. Ego quidem pictorem nullum
uel mediocrem putabo, eum qui non
planè intelligat, quam uim umbra
omnis & lumina in quibusq; superfi-
ciebus habeant. Pictos ego uultus, &
doctis & indoctis cōsistentibus lau-
dabo, eos qui, ueluti exsculpti, extare
à tabulis uideantur, eosq; contrà uitu-
perabo, quibus nihil artis, nisi fortas-
sis in lineamentis, eluceat. Bene con-
scriptam, optimè coloratam compo-
sitionem esse uelim. Ergo ut uitupe-
ratione careant, utq; laudem merean-
tur, in primis lumina & umbræ dili-
gentissimè notanda sunt. Atq; anim-
aduertendum quàm in eam superfi-
ciem, in quam radij luminū feriant,
color ipse insignior atq; illustrior sit.
Tum ut dehinc sensim deficiente ut
luminum

luminum, idem color, subfuscus reddatur. Deniq; animaduertendum est, quo pacto semper umbræ luminibus ex aduerso respondeant, ut nullo corpore superficies lumine illustretur, in quo eodem contrarias superficies, umbris obiectas, non reperias. Sed quantum ad lumina albo, & umbras nigro imitandas pertinet, admonéo: ut præcipuum studium adhibeas ad superficies eas cognoscendas, quæ lumine, aut umbra pertactæ sunt.

Id quidem à natura & rebus ipsis pulchrè perdisces. Eas demum cum probè tenueris, cum leuissimo albo quàm parcissime suo leco intra fimbrias colorem alteres, suoq; contrario loco, pariter nigrum ilicò adiunges. Nam hac albi & nigri conlibratione, ut ita dicam, surgens prominentia, fit perspicatior. Dehinc pariparsimonia additamentis prosequere, quoad quid satis sit, affecutum te sentias. Erit quidem ad eam rem cognoscendā iudex optimus speculum
Ac nescio

Ac nescio quo pacto res pictæ in speculo gratiâ habeant, si uitio careant. Tum mirum est, ut omnis menda picturæ, in speculo deformior appareat. A natura ergo suscepta, speculi iudicio emēdentur. Sed liceat hic nōnulla, quæ à natura hausimus, referre. Animaduerti quidem, ut planæ superficies, uniformem, omni loco sui, colorem seruent: Sphæricæ uerò & concauæ, colores variant. Nā istic clarior, illic obscurior. Alio uerò loco, mediū coloris species, seruatur. Hæc autem coloris in non planis superficiebus alteratio, difficultatē exhibet ignauis pictoribus; sed si, ut docuimus, rectē fimbrias superficieum pictor cōscripserit, luminumq; sedes discriminārit, facilis tum quidem erit colorādī ratio. Nam leuissimo quasi rore primum usq; ad discriminis lineam, albo aut nigro eam superficiē, ut oporteat, alterabit: Dehinc aliam, ut ita loquar, irrotationem citrà lineam, post hanc aliam citrà hanc, & citrà

citrà eam alià superaddendo assequetur, ut cum illustrior locus apertiori colore pertinetus sit, tum idem deinceps color, quasi fumus, in contiguas partes diluatur. At meminisse oportet, nullam superficiem usq; adeo dealbandam esse, ut eandē multò ac multò candidiorē nequeas efficere. Ipsas quoq; niueas uestes, exprimendo citrà ultimū candorem, longè residendū est. Nam habet pictor aliud nihil, quàm album colorem, quò ultimos terissimarū superficiērum fulgores imitetur: solumq; nigrum inuenit, quo ultimas noctis tenebras referat. Idcirco in albis uestibus pingendis, unum ex quatuor generibus colorum, suscipere opus est, quod quidem apertum & clarum sit: Idq; ipsum contrà in nigro, fortassis pallio pingendo, alium extremum, quòd nō longè ab umbra distet, uelutī profundī, & nigrantis maris colorē sumemus. Deniq; uim tantum hæc albi & nigri compositio habet, ut arte & modo facta, aureas, argenteasq;

argenteasq; ac uitreas splendidissimas superficies, demonstret in pictura. Ergo uehemēter uituperandi sunt pictores, qui albo intemperanter, & nigro indiligenter utuntur. Ideò ipse uellem apud pictores album colorem longè carius, quàm præciosissimas gemmas, coëmi. Cōduceret quidam album & nigrum, ex illis unionibus Cleopatrar, quos aceto colligabat, constare, quo eorum auarissimi redderentur. Nam & lepidiora opera, & ad ueritatem proximiora essent, neque facile dici potest, quantum esse oporteat distribuendi albi, in pictura, parsimoniam, atque modū. Hinc solitus erat & Zeussis pictores redarguere, quòd nescirent quid esset nimis. Quòd si uitio indulgendum est, minus redarguendi sunt, qui nigro admodum profuse, quàm qui albo paulum intemperanter utantur. Natura enim ipsa indies atrum & horridum opus, usu pingendi odisse discimus. Continuoq; quò plus
intelligi

Intelligimus, eò plus ad gratiam & uenustatem manum delinitam reddimus. Ita natura omnes aperta & clara amamus. Ergo qua in parte faciliior peccato uia patet, eò obstruenda est magis. Hæc de albi & nigri usu dicta hæcenus. De colorum uerò generibus, etiam ratio quædam adhibenda est. Sequitur ergo ut de colorum generibus nonnulla referamus, *Colorum genera.* non id quidem, quemadmodum Vitruuius architectus, quo loco rubrica optima, & probatissimi colores inueniantur. Sed quonam pacto selecti, & ualdè pertriti colores in pictura componendi sint. Ferunt Euphranorem priscum pictorem, de coloribus non nihil mandasse literis, ea scripta non extant hac tempestate. Nos autem qui hanc picturæ artem, seu ab alijs olim descriptam, ab inferis repetitam, in lucem restituimus: siue nunq̃ à quoquā tractatā, à superis deduximus, nostro, ut usq̃ fecimus, ingenio, pro instituto rem psequamur.

Velim

Velim genera colorum & species, quoad id fieri possit, omnes, in pictura quadā cū gratia & amœnitate spectari. Gratia quidē tunc extabit, cum exacta quadam diligentia colores coloribus aderunt: ut si Dianam agentem choros pingas, huic nymphæ uirides, illi propinquæ candidos, proximæ huic purpureos, alteri croceos amictus dari conuenit. Ac deinceps istiusmodi colorum diuersitate, certe induantur, ut clari semper colores, aliis quibus diuersi generis obscuris coloribus, cōiungantur. Nam ea quidem coniugatio colorum, & uenustatem, à uarietate: & pulchritudinē, à comparatione illustriorem refert. Atqui est quidē nonnulla inter colores amicitia, ut iuncti alter alteri gratiam & uenustatem augeat. Rubeus color: si inter cœlestem & uiridem medius insideat, mutuū quiddam utrisq; suscitatur decus. Niueus quidem color, non modo inter cinereum atq; croceū positus, sed penē omnibus coloribus hilaritatem

laritatem præstat. Obscuri autem colores, inter claros, non sine insigni dignitate assident. Parique ratione inter obscuros, clari bellè collocantur. Ergo quam dixi uarietatem colorum, in historia pictor disponet. At sunt qui auro immodicè utantur, quod aurum putent quandam historiæ afferre maiestatem, eos ipse planè non laudo, quin & si eam uelim Didonè Virgilij expingere, cui pharetra ex auro, in aurumque crines nodabantur. Aurea cui fibula uestem subnectebat, aureisque frenis uehebatur, omniaque splendebat auro. Eam tamen aureorum radiorum copiam, quæ undique oculos uisentiù perstringat, potius coloribus imitari enitar, quàm auro. Nam cum maior in coloribus sit artificis admiratio, & laus, tum etiam uidere licet, in plana tabula auro posito, ut pleraque superficies, quas claras & fulgidas representare oportuerat, obscuræ uisentibus appareant. Aliæ fortassis quæ umbriosiores debuerant esse, luminosio-

res porrigantur. Cætera quidem fabricorū ornamenta, quæ picturæ adiunguntur, ut scilicet circumsculptæ columnæ, & bases & fastigia, non sanè uituperabo, si ex ipso argento atq; auro solido, uel admodum purissimo fuerint. Nam & gemmarum quoq; ornamentis, perfecta & absoluta historia dignissima est. Hactenus picturæ partes tres, breuissimè transactæ à nobis sunt. Diximus de circumscriptiōe minorum & maiorum superficierum. Diximus de compositione membrorum, atq; corporum. Diximus de coloribus, quantum ad pictoris usum pertinere arbitrabamur.

Omnis igitur pictura à nobis exposita est, quam quidem in tribus his rebus consistere prædiximus: circumscriptiōe, compositione & luminum receptione.

Sed

LEONIS BAPTISTAE

DE ALBERTIS, LIBER III.

PICTOR INCIPIT.



ED cum ad perfectū pī-
ctorem instituendū, ut
omnes quas recensuimus
laudes, assequi possit, nō
nulla etiā supersunt, quę

his commentarijs minime prætereun-
da censeo, ea quā breuissimē refera-
mus. Pictoris officiū est, quæuis data *Pictoris*
corpora ita insuperficie lineis & co- *officiū.*
loribus conscribere atq; pingere, ut
certo interuallo, certaq; centrī ra-
diū positione constituta, quæq; picta
uideas, eadem prominentia, & datis
corporibus persimillima videantur.
Finis pictoris laudem, gratiam & be-
neuolentiā, magis quā diuitias ex
opere adipisci. Id quidem assequetur,
dum eius pictura oculos, & animos
spectantium tenebit, atque mouebit.
Quæ res quonam argumento fieri
possint, diximus cū de compositione,

atq; luminum receptione supra disceptauimus. Sed cupio pictorem, quo hæc possit omnia pulchre tenere, in primis esse uirum & bonū, & doctum bonarum artium. Nam nemo nescit quantum probitas, uel magis quam omnis industriæ, aut artis admiratio, ualeat ad beneuolentiā ciuiū comparandam. Tum nemo dubitat beneuolentiā multorum artificū plurimum cōferre ad laudem, atq; ad opes parandas. Siquidem ex ea fit, ut nonnunquam diuites beneuolentiā, magisquā artis peritiā moueantur, ac lucra ad hunc potissimum modestum & probum deferant. Spreto alio peritiore sanē, sed fortassis intemperanti. Quæ cum ita sint, moribus egregiē interuiendū erit artifici, maximē humanitati & facilitati, quò & beneuolentiā, firmum contrā paupertatem præsidium, & lucra, optimum ad perficiendam artem, auxilium, assequatur. Doctum uerò pictorē esse opto, quoad eius fieri possit, omnibus in artibus

artibus liberalibus, sed in eo præsertim Geometriæ peritiam desidero. Assentior quidem Pamphilo antiquissimo & nobilissimo pictori, à quo ingenui adolescentes primo picturam didicere. Nam erat eius sententia, futurum neminem pictorem bonum, qui Geometriam ignorarit.

Nostra quidem rudimenta, ex quibus omnis absoluta & perfecta ars picturæ depromitur, à Geometra facile intelliguntur. Eius uerò artis imperitis, neque rudimenta, neque ullas picturæ rationes, posse satis parere arbitror. Ergo Geometriam pictoribus minimè negligendam affirmo. Proximè non ab re erit, si poëtis atque rhetoribus delectabuntur. Nam hi quidem multa, cum pictore, habent ornamenta communia.

Nec parum illi quidem multarum rerum noticia copiosi literati, ad historiæ compositionem pulchrè constituendam iuuabunt, quæ omnis laus præsertim in inuentione consistit.

g , Atqui

Atqui ea quidem hanc habet vim, ut etiam sola inuentio, sine pictura delectet. Laudatur dum legitur illa calumniae descriptio, quam ab Apelle pictam, refert Lucianus. Eam quidem enarrare, minimè ab instituto alienum esse censeo, quò pictores admoncantur, cuiusmodi inuentionibus fabricandis aduigilare oportere.

*Calumniae
descriptio.*

Erat enim uir unus cuius aures ingentes extabant, quem circa duæ adstant mulieres Inscitia, & Suspicio. parte alia ipsa Calumnia aduentans, cui forma mulierculæ speciosæ, sed quæ ipso uultu nimis callere astu uidebatur; manu sinistra faciem accensam tenens; alteram uerò manu per capillos trahens adolescentem, qui manus ad cœlum tendit. Duxq; huius est uir quidam pallore oblitus, deformis, truci aspectu, quem merito compares his, quos in acie longus labor confecerit, hunc esse Liorem merito dixere. Sunt & aliæ duæ Calumniae comites mulieres, ornamenta

menta doming componentes, Insidie
& Fraus. Post has pulla & sordidissi-
ma ueste operta sese dilanians, adest
Pœnitentia. Proximè sequente pud-
ica & uerecunda Veritate. Quæ planè
historia, etiã si dum recitatur animos
tenet, quantum censes eam gratiæ &
amœnitatis ex ipsa pictura, eximij pi-
ctoris, exhibuisse? Quid tres illæ iu-
uenculæ sorores, quibus Exiodus im-
posuit nomina: Aglaia, Euphrosine,
atq; Thalia, quas pinxere implexis
inter se manibus ridentes, soluta &
perlucida ueste ornatas. Ex quibus li-
beralitatē demonstratā esse uoluere:
quòd una sororū det, alia accipiat, ter-
tia reddat beneficium. Qui quidem
gradus, in omni perfecta liberalitate,
adesse debent. Vides quàm huiusmo-
di inuenta, magnā artificii laudē com-
parent? Idcirco sic cōsulo, poëtis atq;
rhetoribus, cæterisq; doctis literarū,
sese pictor studiosus, familiarem atq;
beneuolum dedat. Nam ab eiusmodi
eruditis ingenijs, cū ornamenta acci-

piet optima, tum in his profectò in-
uentionibus iuuabitur, quæ in pictu-
ra non ultimam sibi laudem uendit-
cent. Phydias egregius pictor, fateba-
tur se ab Homero didicisse, qua po-
tissimum maiestate Iouem pingeret.
Nostris, sic arbitror, nos etiam poë-
tis legendis, & copiosiores & emen-
datiores futuros, modo discendi stu-
diosiores fuerimus, quàm lucri. Sed
plerunq; non minus studiosos, quàm
cupidos, quòd uiam perdiscendæ rei
ignorent, magis quàm discendi labor
frangit. Idcirco quonam pacto in hac
arte nos eruditos fieri oporteat, or-
diamur. Caput sit: omnes discendi
gradus, ab ipsa natura esse petendos.
Artis uerò perficiendæ ratio, diligen-
tia, studio & assiduitate comparetur.
Velim quidem eos qui pingendi artē
ingrediunt, id agere, quod apud scri-
bendi instructores obseruari uideo.
Nam illi quidē prius omnes elemen-
torū characteres separatim edocent.
Postea uerò syllabas, atque subinde
dictiones

ditiones componere instruūt. Hanc ergo rationem & nostri in pingendo sequantur. Primo ambitū superficierum, quasi picturæ elementa, tum & superficierū connexus. Dehinc membrorū omnium formas, distinctè edificent, omnesq; quæ in membris possint esse differentias, memoriæ cōmendant. Nam sunt ille quidem neq; modicæ neq; non insignes. Aderūt quibus sit nasus gibbosus. Erunt qui gerant simas nares, recuruas, patulas: alij buccas fluentes porrigūt: alios labiorum gracilitas ornat, ac deinceps quæq; membra aliquid præcipuū habent, quod cum plus aut minus adfuerit, tunc multò totum membrū uariet. Quinetiam uidemus ut eadem membra pueris nobis rotunda, & ut ita dicam, tornata atq; leuia, ætatis uerò accessu asperiora, & admodū angulata sint. Hæc igitur omnia picturæ studiosus, ab ipsa natura accipiet, ac secū ipse assiduo meditabitur, quonam pacto quæq; extent: In eaq; inuestiga-

tionē continuò oculis & mente perfl-
stet. Spectabit namq; sedentis gremiũ,
& tibias, ut dulce in proclium laban-
tur. Notabit stantis faciem totam, atq;
habitudinem. Deniq; nulla erit pars,
cuius officium & symmetriã, ut Græ-
ci aiunt, ignoret. At ex partibus om-
nibus non modo similitudinē rerum,
verum etiam in primis ipsam pulchri-
tudinē diligat. Nam est pulchritudo
in pictura res non nimis grata, quàm
expetita. Demetrio pictori illi prisco
ad summã laudem defuit, quòd simi-
litudinis exprimendæ fuerit curiosi-
or, quàm pulchritudinis. Ergo à pul-
cherrimis corporibus omnes laudatæ
partes, eligendæ sunt. Itaq; non in po-
stremis ad pulchritudinē habendam,
percipiendam atque exprimendam,
studio & industria contēdendum est.
Quæ res tametsi omnium difficillima
sit, quòd non uno loco omnes pul-
chritudinis laudes comperiantur, sed
raræ illæ quidem ac dispersæ sint, ta-
men

men in ea inuestiganda, ac perdiscenda omnis labor exponendus est. Nam qui grauiora apprehendere, & uersare didicerit, is facile minora poterit ex sententia. Neque ulla est usqueadeo difficilis res, quam non studio & assiduitate possis perficere. Sed quò sit studium non futile & cassum, fugienda est illa consuetudo multorum, qui suapte ingenio, ad picturæ laudem contendunt, nullam naturalē faciem eius rei oculis, aut mente coram sequentes. Hi enim non rectè pingere discunt, sed erroribus assuescunt. Fugit enim imperitos, ea pulchritudinis Idea, quam peritissimi uix discernunt. Zeuxis præstantissimus & omnium doctissimus & peritissimus pictor, facturus tabulam, quam in templo Lucinæ apud Crothoniates publicè dicaret, non suo confusus ingenio temerè, ut ferè omnes hac ætate pictores, ad pingendum accessit, sed quòd putabat omnia, quæ ad uenustatem quæreret.

quæreret, ea non modo proprio ingenio non posse, sed ne à natura quidem petita, uno posse in corpore reperiri. Idcirco ex omni eius urbis iuuentute delegit uirgines quinque, forma præstantiores, ut quod in quaque esset formæ muliebris laudatissimū, id in pictura referret. Prudenter is quidem: nam pictoribus nullo proposito exemplari, quod imitentur, ubi ingenio tantum pulchritudinis laudes captare enituntur, facile euenit, ut eo labore non quam debent, aut querunt pulchritudinem assequantur, sed planè in malos, quos uel uolentes uix possunt dimittere, pingendi usus dilabantur. Qui uerò ab ipsa natura omnia suscipere consueuerit, is manum ita exercitatā reddet, ut semper quicquid conetur naturam ipsam sapiat. Quæ res, in picturis, quæ sit optanda uidemus. Nam in historia si adsit facies cogniti alicuius hominis, tametsi nonnullæ præstantioris artificij emineant, cognitus tamen uultus omnium spectantium oculos ad

Ios ad se rapit. Tantam in se, quod sit à natura sumptum, & gratiam & uim habet. Ergo semper quæ picturi sumus, ea à natura sumamus, semperq; ex his quæq; pulcherrima & dignissima deligamus. Sed cauendum ne quod pleriq; faciunt, ea minimis tabellis pingamus. Grandibus enim imaginibus te uelim assuefacias, quæ quidē quàm proximè magnitudine, ad id quod uelis efficere, accedant. Nam in paruis simulachris maxima uitia maximè latent. In magna effigie, etiam minimi errores cōspicui sunt. Scripsit Galienus uidisse se in anulo sculptū Phaëntem quatuor equis uectum, quorū frena & omnes pedes & pectora distinctè uidebant. Concedant pictores hanc laudem sculptoribus gemmarū, ipsi uerò maioribus in campis laudis uersentur. Nam qui magnas figuras fingere aut pingere nouerit, is perfacile atq; optimè unico tractu eiusmodi minuta poterit. Qui uerò pusillis his monilibus manum & ingeniū assuefecerit,

fecerit, facile in maioribus aberrabit. Sunt qui aliorum pictorum opera emulantur, atque in ea re sibi laudem querant, quod Camalidem sculptorem fecisse ferunt, qui duo pocula celauit, in quibus Zenodorum ita æmulatus est, ut nulla in operibus differentia agnosceretur. At pictores maximo in errore uersantur, si non intelligunt, eos qui pinxerint conatos fuisse tale simulachrum repræsentare, quale nos ab ipsa natura depictum, in uelo intuemur: Vel si iuuat opera aliorum imitari, quod ea firmiorẽ, quàm uiuentes patientiã ad se ostendendam præstent, malo mediocriter sculptã, quàm egregiẽ pictam rem imitãdam proponas. Nam ex pictis rebus, solum ad aliquã similitudinem referendam, manus assuefacimus. Ex rebus uerò sculptis, & similitudinem, & uera lumina deducere discimus. In quibus quidem luminibus colligendis, plurimum confert, pilis palpebrarum aciem intuitus subopprimere, quò illic lumina subfusca

fusca, & quasi intercisione depicta uideantur. Ac fortassis conducet fingendo exerceri, quàm penniculo. Certior enim & facilius est sculptura, quàm pictura. Neque unquã erit quispiam qui rectè possit eam rem pingere, cuius omnes prominentias non cognoscat. Prominentiæ uerò facilius reperiuntur sculptura, quàm pictura. Etenim sit hoc ad rem nō mediocriter argumentum, quod uidere liceat, quàm omnifere in ætate mediocres aliquos fuisse sculptores inuenias: pictores uerò penè nullos non irridendos, ac prorsus imperitos reperies. Denique sine picturæ studeas siue sculpturæ, semper tibi proponendū est elegans & singulare aliquod exemplar, quod & spectes & imiteris, in eoq; imitando diligētiam celeritati cōiunctā, ita adhiberi oportere censeo, ut nunquàm penniculum aut stilum ad opus admoveat pictor, quin prius mente, quid facturū, & quomodo id perfecturus sit, optimè constitutum habeat. Tutius est enim
errores

errores mente leuare, quàm ex opere
abradere. Tum etiam dum ex compo-
sito agere omnia cōsueuerimus, fit ut
Asclepiodoro longè prouiores arti-
fices reddamur, quem quidem omniū
uelocissimū pingendo fuisse ferunt.
Nam reddit ad rem peragendā prom-
ptum, accinctum, expeditumq; inge-
nium, id quod exercitatiōe agitatū
calet. Eaq; manus uelocissima sequi-
tur, quam certa ingenij ratio duxerit.
Si qui uerò sunt pigri artifices, hi pro-
fecto idcirco ita sunt, quòd lentè &
morosè eam rem tentent, quam non
prius menti suæ, studio perspicuā ef-
fecere. Dumq; inter eas erroris tene-
bras uersantur, meticulosi ac ueluti
obcæcati penniculo, ut cæcus bacillo
ignotas uías, & exitus, prætentant ac
perquirūt. Ergo nunquàm nisi præ-
uio ingenio, atq; eodem bene erudi-
to, manū ad opus admoueat. Sed cum
sit summum pictoris opus historia, in
qua quidem omnis rerū copia & ele-
gantia adesse debet, curandum est, ut
non modo

non modo hominē, uerum & equum
& canem, & alia animātia, & res om-
nes uisu dignissimas, pulchrè pingere
quoad per ingenium id liceat, disca-
mus: quò uarietas & copia rerum, si-
ne quibus nulla laudatur historia, in
nostris rebus minimè desideretur.

Magnum id quidem atq; uix ulli an-
tiquorum concessum, ut omni in re
non dico præstaret, sed uel mediocri-
ter esset doctus, tamen omni studio
enitendum censeo, ne nobis negli-
gentia nostra, ea defint, quæ & lau-
dem afferūt per magnam si assequan-
tur, & uituperationē si negligentur.
Nicias Athēniensis pictor, diligen-
tissimè pinxit mulieres. At Zeusim
muliebri in corpore pingendo, plu-
rimum alijs præstitisse ferunt. Era-
clides nauibus pingendis claruit. Se-
rapion nequibat hominem pingere,
cæteras planè res pulcherrimè pinge-
bat. Dionysius nihil nisi hominē po-
terat. Alexander, is qui Pompei por-
ticum

ticum pinxit, quadrupedes omnes, maximeque canes, egregie faciebat. Aurelius, quod semper amaret, solum deas in earumque simulachris amatos vultus, exprimere gaudebat. Phydias in deorum maiestate demonstranda, quam in hominum pulchritudine elaborabat. Euphranori dignitatem Heroum simulare cordi admodum erat, in eaque re ceteros antecelluit. Itaque cuiusque non æqua facultas fuit. Proprias enim dotes natura singulis ingenijs elargita est, quibus non usque adeo contenti esse debemus, ut quid ultra possimus intentatum relinquamus, sed & naturæ dotes, industria, studia atque exercitio colendæ augendæque sunt. Præterea nihil, quod ad laudem pertineat, negligētia prætermisum à nobis uideri debet. Cæterum cum historiam picturi sumus, prius diutius excogitabimus, quonam ordine, & quibus modis eam componere pulcherrimum sit. Modulosque in
chartis

chartis cōficiētes, tum totam historiam, tum singulas eiusdem historiæ partes cōmentabimur, amicosq; omnes, in ea re, consulemus. Deniq; omnia apud nos ita præmeditata esse elaborabimus, ut nihil in opere futurum sit, quod non optimè qua id sit parte, locandum, intelligamus. Quòue id certius teneamus, modulos in parallelos diuidere iuuabit, ut in publico opere cuncta, ueluti ex priuatis commentarijs, ducta suis sedibus collocentur. In opere uerò perficiendo, eam diligētiā adhibebimus, quæ sit cōiuncta celeritati agendi, quam neq; tædium à prosequendo deterreat, neque cupiditas perficiendi præcipitet. Interlaxandus interdum negotij labor est, recreandusq; animus, neque id agendum quod pleriq; faciunt, ut plura opera assu nant, hoc ordiantur, hoc inchoatum atq; imperfectum abijciant. Sed quæ cœperis opera, ea omni ex parte pfecta reddenda sunt.

h 2 Cuidam

Cuidam cum imaginē ostenderet dicenti, hanc modo pinxi. Respondit Apelles: te quidem tacente id sanē perspicuum est, quin & miror, non plures huiusmodi abs te esse pictas. Vidi ego aliquos tum pictores atque sculptores, tum Rhetores & Poëtas, si qui, nostra ætate, aut Rhetores aut Poëtæ appellandi sunt, flagranti studio aliquod opus aggredi, qui postea dum ardor ille ingenij defervuit, inchoatum ac rude opus deserunt, novaq; cupiditate aliud agendi ad novissima sese conferunt: quos ego homines profecto vitupero. Nam omnis qui sua posteris grata, & accepta fore opera cupiunt, multo antè meditari opus oportet, quod multa diligentia perfectū reddant. Siquidem non paucis in rebus ipsa diligentia grata, non minus est, quàm omne ingenium. Sed vitanda est superflua illa, ut ita loquar, superstitio, eorum qui dum omni vitio sua penitus carere, & nimis polita

polita esse uolunt, prius contritum opus uetustate efficiunt, quàm absolutum sit. Prothogenem soliti erant uituperare antiqui pictores, quòd nesciret manum à tabula amouere. Meritò id quidem: Nam conari sanè oportet, ut pro ingenij uiribus, quantum sat sit, diligentia rebus adhibeatur. Sed in omni re plus uelle quàm uel possis, uel deceat, pertinacis est ingenij non diligentis. Ergo moderata diligentia rebus adhibenda est, amicisq; consulendi sunt: quin & in ipso opere exequendo omnes passim spectatores recipiendi & audiendi sunt. Sic enim pictoris opus multitudinì gratum futurum est. Ergo multitudinis censuram & iudicium tum non aspernetur, cum adhuc satisfacere opinionibus liceat. Apellem aiunt post tabulam solitum latitare, quò & uisentes liberius dicere, & ipse honestius uitia sui operis recitantes, audiret. Nostros ergo pictores palàm &

h 3 audire

audire sæpius & rogare omnes quid sentiant uolo, quandoquidem id cum ad certas res, tum ad gratiam pictori aucupandam ualet. Nemo enim est qui non sibi decorum putet, suam in alienis laboribus sententiam proferre. Tum minimè uerendum est, ne uituperatorum & inuidorum iudicium laudibus pictoris quicquàm possit decerpere. Perspicua enim ac celeberrima est pictoris laus, dicacemq; testem ipsum bene pictum opus habet. Ergo omnis audiat, secumq; ipse rem prius pensitet atque emendet. Deinde cum omnes audierit, peritioribus pareat. Hac habui quæ de pictura his commentarijs referrẽ. Ea si eiusmodi sunt ut pictoribus cõmodum atq; utilitatem aliquam afferant, hoc potissimũ laborum meorũ præmium expecto, ut faciem meam in suis historijs pingant, quò illos memores beneficij, & gratos esse, ac me artis studiosum fuisse posteris prædicent. Si uerò expectationi-

Stationibus eorum minime satisfeci,
non tamen, quod tantam aggredi rem
ausi fuerimus, uituperent. Nam si,
quod laudis est conari, id perficere no-
strum ingenium nequiuit, memine-
rint tamen solere in maximis rebus
laudi esse id uoluisse quod difficilli-
mum esset. Aderunt fortasse qui no-
stra uitia emendent, & in hac prae-
stantissima & dignissima re, longe magis
quam nos possint esse pictoribus ad-
iumento, quos ego si qui futuri sint,
etiam atque etiam precor, ut hoc munus
alacri animo ac prompto suscipiant,
in quo & ipsi ingenium exerceant suum,
& hanc nobilissimam artem excul-
tissimam reddant. Nos tamen hanc pal-
mam praeripuisse ad uoluptatem du-
cimus, quandoquidem primi fuerimus,
qui hanc artem subtilissimam literis man-
dare studuerimus. Quod quidem sane
difficillimum inceptum, si pro expecta-
tione legentium perficere nequiuimus,
in eo natura magis, quam nos incul-

panda est, quæ hanc legem rebus imposuisse uisa est, ut nulla sit ars, quæ non à mendosis admodum initijs exordium sumpserit. Simul enim ortum atque perfectum nihil esse aiunt. Qui uerò nos sequentur, si qui aderunt, studio & ingenio, quàm nos, præstantiores, hi fortasse artem picturæ perfectam atq; absolutam reddent.

F I N I S.

E R R A T A.

Fol. 23. lin. 22. lege affèret. 24. 7. audiant. 46. 3. si Phydæ. 48. 16. cōmendatum. 50. 19 Alij 40. dies habent. 64. quot. 69. 1. philosophum. 72. 3. pugilum 80. 15. lege caput: ut cuiq; plus. Lege etiam ubiq; parallelos pro parellos.

INDEX OMNIVM EORVM,

que in hisce tribus Libris notatu digna uisa
sunt diligentissimus.

A.

Accidentia. 31
Affectiones. 80
Aglaophon pictor sim-
plici colore delectatus
pag. 89
Agesilaum uetuisse ima-
ginem suam pingi. 45
Albi coloris uis. 93
Ad Alexandri imaginem
pictam quidam trepi-
dasse. 44
Alexander pictor Pom-
peij porticu pinxit. 113
Alexander Seuerus Im.
pingendi studiosiss. 50
Angulus quid. 7
Angulorum tria genera
pag. ibidem
Antigonu de pictura scri-
psisse 48

Anthæi gigantis corpus
pag. 28
Autor magis clarè quàm
compte loqui uoluit.
pag. 41
Apelles quomodo Anti-
gonis faciẽ pinxerit 76
Apellem ad Perseum de
pictura cõscripsisse 48
Apellem post tabulã de-
pictam latitasse 117
Apelles lineis se exercuit
pag. 55
Areola 63
Aristides Thebanus 49
Aristides Thebanus A-
pelli propè æqualis 78
Asclepiodorus uelocissi-
mus omnium pingendo
fuisse 112
Auaritiã aduersum esse
h s laudi

I N D E X:

landi & uirtuti	53	Cinereus color	20
Aurelium deas solum pin-		Circūscriptio picturae	55
xisse	114	Circulus	6
Auri uis in pictura	97	Circularis linea	6
B		Circulares superficies	63
Basis quid	14	Cleantes inuentor pictu-	
Beneuolentiam artifi-		rae artis	47
ci plurimū conferre ad		Cleopatra uniones ace-	
laudem	110	to colliquauit	94
Brachiorum motus	83	Colores duos in rerū na-	
Bucephalus Alexandri		tura integros quosdam	
equus C	86	asserere	20
Alumniæ pictura	102	Colorū uaria genera ib.	
Camalides sculptor,		Colorū species septē	19
pag.	110	Colores à luminibus ua-	
Camæleon animal	15	riari	18
Capillorum septem mo-		Colorum genera cum ra-	
tus	86	tione adhibenda	95
Castor & Pollux quomo-		Colorum genera	88
do olim picti	71	Colorum alteratores	2
Cassander unus ex Ale-		Cōpositio in pictura	60
xandri ducibus	44	Compositio	40
Cæsius color	20	Compositio quid	64
Centrica linea	6	Collineares superficies	
Centrici positio	17	pag.	20
		Cœlestis	

I N D E X.

Cœlestis color	20	E	
Corpus quādo uiuere dicatur	70	E	Raclidē pingendis naui- bus claruisse 113
Corporū compositio	72	Etrusci pingendi arte so-	
Corporum motus	81	lertissimi.	48
D.		Eufanor Hirschinius	48
Demetrius philosophus		Euphranorem pictorem	
de pictura	48	in Heroum dignita-	
Demetrius Valerius Pha-		te elaboranda clarus-	
nostrati filius	50	isse	114
Demetrio pictori quid		Euphranoris laus in ar-	
defuerit	106	te pingendi	77
Demon pictor	69	Euphranorum de colori-	
Demonis laus in pictura		bus scripsisse	95
pag.	78	Euriali pulchritudo	32
Diameter circuli	6	Exiodius tribus adole-	
Diameter apud Mathe-		scutulis imposuit no-	
maticos	39	mina	103
Discendi gradus in pictu-		F	
ra à natura petendos		F	Abius pictor 50
pag.	104	F	Facies uenusta 65
Dionysium pictorem so-		Fimbria	5
lum hominem potuisse		Fœminæ olim pingendi	
pingere	113	artem edoctæ	51
Discendus semper	24	Fœminarum forma	85
		Geometria	

I N D E X.

Geometria pictori mini-		ra retinenda	89	90
me negligenda	101	Luminum uis		22
Giottus Etruscus pictor		M		
pag. H	80	Artia Varronis fi-		
Erculis proceritas	28	M lia pingendi artem		
H Historia summū pi-		nouerat	51	
ctoris opus	112	Magnitudinis ratio ha-		
Historia nouem aut de-		benda est	67	
cem personis peragi		L. Manilius pictor	49	
poterit	75	Manuum motus	83	
Historia pictura	73	Marcelli uictoria ex Si-		
Historia partes	64	cilia	48	
Homerus quomodo Vlyf		Meleagri defuncti histo-		
sem naufragum descri-		ria	69	
bat	76	Membrorum composi-		
I		tio	66	
Mitatio in pictura qua		Metrodorū pictura cla-		
I lis esse debeat	110	ruisse	50	
Intercisionis partes	25	Motuum descriptio	81	
Intercisio quid	56	Mouendi septem itinera		
L		pag.	81	
Inea recta	6	Musa nouem in gemma		
L Linea quid	4	Pyrrhi N	52	
Linea perpēdicularis	38	N Arcissim picturae in		
Luminum ratio in pictu-		uentore fuisse	47	
		Nauiis		

I N D E X.

Naui picta	80	Phaëthon quatuor equis	
Naturam pictura oble-		uctus, in anulo scul-	
ctari	52	ptus	109
Nero pingendi studiosis-		Philocles Aegyptius pi-	
simus	50	ctura inuentor	47
Nicias Atheniensis pi-		Pictor optimus	42
ctor	113	Pyhdias pictor	46
Nicias pictor Athenien-		Pictor optimus	42
sis	89	Pictor sit doctus in omni-	
Nympharum pictura	96	bus liberalibus artibus	
O		Picturae lepor	89 (100
Colorum munera	13	Pictura & sculptura co-	
Ora	5	gnatae res	50
Operis partes quæ	65	Pictor quid de coloribus	
Orizon P	5	scire debeat	20
Pacuvius poeta Hercu-		Picturam e Græcia in Ita-	
lem pinxit	50	liam uenisse	48
Pacuvius Ennij poeta ne-		Pictores uitia in regum	
pos ex filia	50	corporibus solitos fuisse	
Pamphilus antiquissimus		se emendare	76
pictor	101	Pictura à quibus profe-	
Parrhasius pictor	55	cta.	48
Pericles longum habuif-		Pictores priscos ad solem	
se caput	76	umbras circūscripsisse	
Pes hominis	68	pag.	47
		Pictori	

I N D E X.

Radij melij	15	membris spectanda	78
Radij an ab oculo erum=		Sphæra: quid	8
pant	10	Statuarũ multitudo pau=	
Radij intercepti & flexi		cis diebus absoluta	
pag.	26	pag.	50
Radiatorum species tres	11	Superficiei planæ et con=	
S.		caue comparatio	59
S Culptura & pictura		Superficies quid	5
res cognatæ	50	Superficierum uaria ge=	
Serapionem pictorẽ ne=		nera	20
quiuisse hominem pin=		Superficies distare inter	
gere	113	se	20
Speculi usus in pictura		Symmetria membrorum	
pag.	92	pag.	68
Seruis pingere interdi=		Superis quomodo coniun=	
ctum	51	cti sumus	45
Signum quid	4	T	
Sitedius pratorius pi=		T Abula picta incredi=	
ctor	50	bili precio uenditæ.	
Socrates pictura claru=		pag.	49
isse.	50	Thimantes Ciclopẽ dor=	
Species in componendis		mientem pinxisse	34

F I N I S.

INDEX.

Pictura de Aegyptijs in		ctura excelluisse	30
Graciã translata	47	Poeta multa communia	
Picturae rudimenta	42	habere cū pictoribus	101
Pictoris officium	99	Principis & historiae cō	
Picturā tria perficere	55	paratio	74
Picturam in tres partes		Prothogenē nescisse ma-	
diuidi posse	54	num à tabula amouere	
Pictura quid cōferat	45	pag.	116
Picturae utilitas	44	Prothogenes cum Apelle	
Picturae miracula	37	certasse	55
Phydiam in deorum ma-		Pulchritudo in picturis	
iestate demonstranda		res grata	106
claruisse	114	Punctus centricus	35
Phydiam Iouem pinxisse		Punctum quid	4
pag.	45	Pyramis quid	14
Phydiam ab Homero di-			
dicisse	104		
Pingendi ars olim fami-			
liaris	51		
Pingendi ars	34		
Pingere quid	47		
Pingendi quae potissimū			
sint	79		
Picturae honestas	47		
Pyrrhū philosophū pi-			

Q

Vantitas quid	11
Quantitates quot in	
superficie	12

Quantitatum non aequae	
distantium ratio	30
Qualitas in superficie	5

R

Adius centricus	16
Radiorū differentia	
pag. 10.	Radij



RARE 84-B
ND 28824
1130
A33
P61 Inv. #
1540 290

